

瑜伽師地論記

卷六

四



上闕三行

自下第二解正斷文分為二初結前所

以此無間已下

四正斷初中云除遣麤麤顛倒了達善不善法者泰師解云梵語多
重如似刹那刹那此云麤麤義亦如是又解四倒非一故須重云又
解倒麤深重故云又前念住了蓋結有無故了達不善了覺有
無故了達善法 論從此無間至攝心持心 記曰第二文中初廣
翻譯後并略義前中又二初列釋四種正斷二解總名前中先列後
釋此即列也從此無間乃至攝心持心者若依前卷全無列名一於
已生惡不善法為今斷故生欲策勵發動精進策心持心正斷二於
未生惡不善法為不生云欲策 勸等三於未生善法為今主放生
欲策勵等四於已生善法為欲令住不忘失今脩圓滿令倍脩習令
其增長令其廣大生欲策勵等今此文中先明未生惡不善法却并

已生 論云何名為惡至應知如前 記曰就釋中初解善惡及生
未生後解斷惡脩善生欲策勵等前中先解惡法生未生後解善法
生未生及能起彼所有煩惱者謂分別起全及脩惑一分能發惡行
者也善法生未生中云云何名一切善法謂若彼對治等者此初
謂總能治下二句是別能治云彼者基公兩解一云即別之彼也謂
彼蓋結也二云前解不善法今即彼前不善之對治也下二句別出
能治初句即總也 論惡不善法至斷故生欲 記曰次解生欲策
勵等文分為二初解生欲策勵發動精進後解策心持心前中復二
初解斷惡生欲等後解生善生欲等前中有二初解生欲云一切一
切者謂一切惡業及一切煩惱故重云也又解一切生及一切和合
也 論又彼一切至惑永斷滅 記曰次解策勵發動精進有四番
初審明於緣過未不現見境惡不善法其未生者欲令不生其已生

者欲令永斷是名策勵於緣現在現見境惡不善法其未生者令不
生已生永斷發動精進 論又於下品至發動精進 記曰第二可
知第三番明前二正斷若行過未境界如是行時不令煩惱緣彼生
起設暫時起速能斷滅名策勵若行現在不令煩惱緣彼生起設起
速或已發功精進 論又或有惡至發動精進 記曰第四番明惡

中關八行

伽伽地論記卷第六

第二張

六字

作境界力若未生令不生已生令不生

不生

故二名正斷斷

精進制彼已生惡法令不牽後名律儀

脩無

生惡所熏種子亦名律儀斷其未生惡法有當生

義為斷當生現行故斷彼種故言為斷故斷故云斷斷基云律儀斷者律儀名防過防已生惡令不增長故別解由十因緣戒善清淨謂前二十八卷有十順學法一離母邑二離愛着三離懈怠四離我見五離段食味六離言論愛七離十一過八離定味九離散亂十忍辱防護斷者即此精進脩不放逸防已生善離於退失故論如是廣弁至是名略義記曰自下第二弁略義謂為顯示於黑白品捨取事中乃至四種正斷等者略上為顯捨二黑事取二白事生欲名意樂滿由自策勵發動精進策心持心名加行滿脩瑜伽師唯有尔所正應作事乃至希願樂欲者重略上文為斷二惡為脩二善而生希欲為斷諸纏脩止舉捨相者此略上文若在持心為斷二惡脩二善故心沉沒時即取淨相策心令舉若因策故心太掉動即持心住名

制持心若不掉沒即捨心相續能斷諸纏為斷諸纏及隨眠故更應
脩習對治善法者略上為斷二惡現起纏心及纏隨眠更有脩習未
生已生二對治善 論從此復脩至名觀三摩地 記曰第三解四
神足於中初廣釋四神足相二問答并神足之義前中先列名屬當
後廣釋基云四神足是定從因為名說欲等也又定為神通之足

伽瑜地論記卷第六

第三張

其字

中關四十四行

此四是神之足以神足即心王也契法師六又

乃至盡才

二次第能生後法為增

其惠但有一義唯於能知

論若復了知至是故名力 部

而有差別者了世初因信根後時

這根後時證出

世法乃至惠根唯證出世法故言了

論差別 論當觀此

中至非即彼相

記曰撻就根力并餘相即中文即五句當觀此中

信根信力乃至何以故者信力是有漏在見道前去何得即見道中
四證淨中信故云何以故下解因信力故生彼見道證淨中信因果
相屬故云即是非即彼解非即彼相當觀此中精進根力等者此四
善根中精進根力即是前三方便四正斷中所有精進言此何正斷
至方便正斷者釋正斷更因前三方便中四正斷及精進力牽生見
道精進等覺支斷於見惑云此中意說至惡不善法故者此中意說
由精進根力牽生見道四正斷中精進覺支畢竟斷惡是故因果前
後相即當觀此中念根念力至一切顛倒者念根念力即是見道四
念住中念等覺支中所有正念謂四念住能斷迷苦諦等一切顛倒

瑜伽師地論記卷第六

以上出四念住此是其念惠故今念根念力即四念住當觀此中定根定力乃至證不還果者景云定根定力通次第超越人得若次第人定根定力是未至定若超越人通依四靜慮故云即四靜慮中所言謂諸靜慮為方便證不還果略不言依未至定定根定力為方便入見道證彼預流一來等果基云此中初二果唯得未至向前次第至不還果得四靜慮發生神通故此偏說不說第四果非次第故又影顯故又略不說故四靜慮中發生神通如意足不說餘意當觀此中惠根惠力至得沙門果者似見道前惠根惠力即見道中智由前惠根惠力引起聖智得沙門果是故因果前後相即 論即由如是至當知亦尔 記曰第四捻就根力并四善根中景云若約增強五

根即是燭頂以初起為基故燭頂位建立五根忍及第一近生見道難伏名力今此文中強弱通論若根若力通四善根有能生義增上名根有不屈義難伏名力如此根力即是四善根躰而言即由如是根力多脩習故發起四善根者據行成位故言發起基師復云此中根力如中邊論根在燭頂力在後二位今乃言由此根力故發生使擇分者此根力是別使擇分是總以別發生總故名發生即俱時非異時前後發生名發起故也有人言得見道前有無漏者如論次下由根力無間發生出世無漏聖法故知已前是有漏不可言無漏論此復云何至說名遍行 記曰第五解覺支此復云何者景云道品法中已弁五力此五力後復明何法故云也今解前章別言無漏聖法當知亦尔故云此復云何謂七覺支乃至故名覺支者此文即說擇法覺惠亦覺亦覺支餘六是覺支非覺三品相攝如文下九十

六第卷記論地師伽瑜

八約輪王七寶喻之可觀

論彼於尔時至定蘊所攝

記曰第六

解道支初云見聖諦迹已永斷滅等者將明八道支故結前生後就正并中文分有五并三蘊攝二解道支義三并道支相四并摠立二種五并道支位正念正定定蘊所攝者念順定故合為定蘊覺支門中念通二品此道支念偏於定攝者何謂前約止觀門以并攝後約三蘊門以并攝故義有異 論問何因緣故至八支聖道 記曰二解道支義也 論當知此中至合名正見 記曰并中云當知

瑜伽師論記卷第六

第六

庚字

此中若覺支時至合名正見者三藏云於真見道七覺支時所得真擇法覺今在相見道以後得智安立觀行如真見道真證而覺故此二覺合名正覺今脩道中正見亦二一是無分別智正見二是出觀後得智正見如彼真見安立而覺合名正見 論由此至思惟 記曰其正思惟

若無分別智相應即無分別智及思離邪思惟名正思惟若後得智及以散心正思惟即用分別惠思名正思惟 論若心至獲得 記曰至所有尋思者出前正思惟躰故去尋思如是相狀言即由正見等者由前二種覺正見力後起善心發種種語皆名正語此文即說散心無嗔無癡所發之語名為正語下明正業景云此明散心無嗔癡中所起種種正知身業名為正業基云若如法求衣服飲食等事乃至供身什物於追求時者此即追求時所求也若徃若還下乃至或於住持此乃住時所作也與二十二相違應勘之今勘二十二卷明非法追求衣服飲食等力便顯已有德等說名邪命翻此即是正命今此文如法求時正知而住名正業翻此即是邪業下明如法求時離邪命法名正命謂即身語二業從無貪生離邪命法盡名正命翻此即是邪命解正知而住如二十四卷故無相違若遠離攝正語業命

至先已獲得者明脩道中遠離所攝正語業命彼於見道證得諸覺
支時先已獲得 論問何至慧命 記曰此弁正語業命得名聖所
愛戒所以言不作律儀者此無漏道共戒名不作律儀即由如是聖
所愛戒力故於脩道時所有有漏語業身業食命事業皆得名為正
語業命 論依止至正定 記曰精進易知由四念住增上力故乃
至及與正定者基云此中意由四念住為因生定心俱時九種念九
種念即是安住念等與定九種同但以九種皆是定念為助伴亦九
種以正者為能攝助伴者為所攝 論如是一至摩他 記曰弁立三種
中云無所作者謂正語業命以非意思能離邪語業命令無動作名
無所作更無別弊住所作者所餘五種三是觀二是止者有弊有能
名住所作 論如是清至建立 記曰弁位中明依戒脩止觀斷結
得羅漢長時相續脩道斷惑名為脩道率尔智生惑即永斷名見道

此文即證一心見道是究竟說非有三心由是因緣至方始建立者
由脩道有出觀時起正語等顯於觀中有正語等立正語業命見道

瑜伽師地論記卷第六

第七

蒙字號

無出觀起正語等故不立也又脩道長時相續必須依戒脩於止觀
方盡脩惑證後三果故脩道中方始立戒由彼見道率尔智生即斷
見惑故不立戒 論由如是等至菩提分脩 記曰下總結之 論
云何脩果至所生之果 記曰第十三解脩果於中有二初明果二
又於此中下明脩果人有煩惱漏增等分薄塵別前中初問次解後
結解中有二初列四果名及出果躰二問答并立果因緣初中一預
流者由捨異生證諦現觀在聖類族故云預流一來者且如在人得
第二果往生天上一來人中得般涅槃故云一來已離欲界煩惱生
上不還故云不還阿羅漢者此云應供智斷具足堪受供養故云應

瑜伽師地論記卷第六

供或名煞賊或稱不生如當分別聖道名沙門煩惱斷名果者在向
聖道名沙門沙門此云勞倦勤苦脩行惡滅生善故云也隨煩惱斷
所對擇滅名果此於真如隨斷惑處假說擇滅名無為果又後生道
或中或上是前生道所生果者謂解脫道或中或上是前無間道力
所得有為果故小論云無間道力得有為無為果 論問何故建立
至是名脩果 記曰次并立果因緣對治四種諸煩惱故建立四果
下出所治四種煩惱謂諸無事乃至立預流果者三界見惑薩迦耶
見為首此見計我一向顛倒無中計有所計我無故名無事是故見
惑捨名無事無事煩惱能牽惡趣今斷此惑及能脩起彼對治道立
預流果依五十八說苦下有十三諦各八脩斷有六若依對法欲界
四下各有十惑脩斷有六合四十六色界五門下各除瞋各有
四十一三界合有一百二十八煩惱於中十六是其脩斷餘有一百

一十二是其見斷預流斷訖何故世尊但說永斷三結立預流果相
為通此難故云而薄伽梵說等文相可知此預流果至多生相續者
即說極滿七生名多生相續若斷再生相續煩惱至立一來果者欲
界脩惑分為九品且據十四生為論若斷前三品餘有六生在若斷
第五於一生中必斷第六又損二生證第二果餘二生在名一往來
人中得果一往天上一來人中得般涅槃名一來果若不斷彼五六
二品猶於天有人有各受再生相續今斷五六二品煩惱即是永斷
天有人有再生相續所有煩惱若已永斷能感還來生此煩惱至立
不還果者後三品惑若不永斷即還生欲界今已永斷不復還往唯
於色無色界天有受生基公復云唯於天有當可受生者其一問人
非在天上於人中受一有不還更生天上名不還此中據人中作法

瑜伽師地論記卷第六

此從果為名因時未名不還故若已永斷色無色界感生煩惱立阿羅漢下列說證成但證後三初果引證已如前說故今不舉亦可承前為語預流人已斷三結今復進斷脩惑貪嗔癡等前之六品住後三品證一來果故立永斷三結薄貪嗔癡又預流人先斷五下分中三結一來果人又斷貪嗔前之六品今時又斷貪嗔二結後之三品以乘前故斷五下分結立不還果此不還果人已離三界見惑及離欲界脩惑今時又顯色無色界八地脩惑以乘前故故云永斷一切煩惱立第四果 論又於此中至能證心住 記曰自下第二明脩果人有煩惱偏增等分等別於中分二初并七人行別二問答重并等分薄塵行相差別前中分七為三類并一煩惱偏增二是等分三是薄塵又於此中乃至勤脩加行等者此貪等偏增行先應依彼淨行所緣淨脩其行心方安住彼若多貪自緣不淨多嗔自脩慈愍多

疑自觀緣起我慢自觀六界尋思多者自觀於息故云各別所緣勤
脩加行廣如上論若等分行人隨所愛樂攀緣彼境勤脩加行云如
是勤脩唯令心住非淨其行者等分行人所起煩惱既不偏增不可
別觀不淨等境但隨所樂或觀無常苦空等唯令心住非如偏增別
淨其行故云非淨其行如等分行人薄塵行者亦尔而彼諸行有其
差別貪等行者脩時經久方證心住等分不久薄塵極疾泰云前脩
五停對治增惑先脩自觀淨治自惑方證定心若等分行者無別惑
可治但隨所愛樂或作不淨觀乃至六界觀攀緣彼境唯令心住無
增上惑可治非淨其行基云貪嗔癡等人皆有對治先於五停心觀
名定由所緣差別勢力隨貪行者作不淨觀勤行脩習心方安住等
分行人一切具有隨所作行皆得脩行也故云等分行人於五停心
其心安住非淨其行有人云亦斷惑非也舊說數息觀除覺觀二品

第六卷記論地師伽瑜

今唯除覺故唯云尋思行非除伺也問曰何以不除以伺於境況審
緣故尋即散乱故說除尋 論問前已至與彼相似 記曰次問若
重弁等分薄塵行相差別初明等分後明薄塵初中若等分行者乃
至非上非勝等者景云等分行者具有貪嗔癡慢尋思等行不同偏
增行者貪等增強故云非上非勝然此等分行者或時遇境脩不淨
行或觀慈愍乃至遇緣觀於數息與偏增者觀行相似基云如貪行
人遇緣起貪即名貪行者此等分人亦尔隨所遇緣即起貪等即名
貪行者與貪等相似 論其薄塵行至是名異熟障 記曰下明薄
塵行中初列七句次釋中初解無重障以無三障故云業障者乃至
能障正道等者即是五逆業外餘故思造重不善業招三惡趣又有
八業女人身非想無想天業彼業果起障於聖道不令生起煩惱障

瑜伽師地論記卷第六

第九 張

庚字号

者即是上品猛利長時數起於現法中淨行所緣不淨觀等不能令
淨名煩惱障異熟障中景師云謂若生處至異熟果生者即前業障
所招異熟依彼聖道不生起故名異熟障梵王若是菩薩應化非異
熟障若實受者是異熟障或有生處至聾瞶愚鈍等者如三天下得
感人報若聾瞶等病應生聖道以聾瞶等故聖道不生基云若生處
者謂隨生處聖道依彼不生者即三惡趣於是生處異熟果生者謂
惡異熟於是處生非聖道依也 論寂初清淨者至名正直見 記
曰二解寂初清淨謂善淨戒及正直見戒是離過之初基正見即是
攝善之上首故說善戒正見寂初清淨十因戒淨如前二十八說十
順學法一者離母邑等正直開四句釋於諸如來及聖弟子乃至深
生勝解等者謂於佛及聖弟子難思神力淨土生處於彼真如甚深
法教不可說事深生勝解無有怖畏離誑諂故其見正直是正直類

者無誦正見似真無漏正見名正見類如其聖教而正脩行等者隨脩何行隨證淺深如其真實而自顯說不過其量 論資糧已具者至如前廣說 記曰三解資糧已具法教義教者外道邪教名為非法今得真教名為法教外道所說或有少義或全無義不名義教佛所說教或有多義或全有義名為義教諸根成熟者得信等五根及七色根悉皆具足現法資糧者謂少欲知足等 論多清淨信者至行相差別 記曰次解後四句如文可知 論云何補至行諸惡法記曰第十四解補特伽羅異門有六第一解沙門文分為五一系列名二略屬當三略解四重釋五引證略解中泰去佛名善逝道寂勝故基言活道沙門者以道活命名活道也准婆沙論如來獨覺名為勝道無學聲聞名為說道一切有學名為命道若有具生喜化禁戒名

為汚道

論又學無學至壞道沙門

記曰重釋中泰玄三乘學無

學格名勝道現世無佛菩薩故諸聲聞衆受持三藏部名為說道持戒異生惠命存故名活道犯戒異生犯三學中初根本戒難尅惠命故名壞道基云若無如來及諸菩薩為菩提故乃至諸聲聞衆持三藏者名說道沙門者此且約無佛菩薩時聲聞為論若佛菩薩在此聲聞衆即名勝道諸佛菩薩名說道沙門今無佛菩薩時聲聞名說道令正法眼不斷種故由彼破壞取初所有正道根本等者此中意謂戒為正道根本今破戒故名壞道根 論世尊依彼至第四沙門記曰引證中唯婆沙論引三聖教并四沙門一師子吼經二善賢經三唯陀經今此證經當師子吼經基云世尊依彼作如是說乃至於外沙門婆羅門教空無所有等者此中意明四種沙門世尊依真教有彼作如是說有其外沙門等教是邪教乃至壞道亦無所有要受

真戒方生壞故彼既邪戒設壞非壞道

論第二婆羅門至是謂婆

羅門

記曰第二解婆羅門中泰云從婆羅門父母而生名種姓淨

行雖從餘種父母而生作淨行名名想淨行脩習正行名為正行基
云名想婆羅門者謂諸世間等者此中有釋如刹帝利父母為立假
号婆羅門躰是刹刹想号婆羅門故又由想者謂名也等想者謂諸
世間等同此想号婆羅門下第三真善婆羅門者婆羅門名真淨淨
其意志故 論第三梵行至阿羅漢果 記曰第三解梵行中一受
不婬法二世俗道暫時斷梵行三畢竟斷欲梵行謂不還果等基云
何故不明初二果又前第二梵行何故不論離色無色欲義曰不言
初二果以離欲界全分欲為論對暫時梵行為暫時梵行唯言欲界
故又何故前第二中不言離色界等欲者此影顯唯知如阿羅漢及
不還果當知世間道亦對為論應言離色無色欲此影顯義無違言

畢竟者以無漏道斷種故言畢竟非無學果名畢竟 論第四苾芻
至受具足戒苾芻 記曰第四解苾芻中乞丐苾芻者此有兩釋一云
順教乞資離於邪命二云謂常乞丐乞食等是自稱者如今破戒僧
等自稱我是苾芻或可未受具戒者自稱我是大僧十誦律明自稱
名賊住自除鬚髮着法服者是名想苾芻者剃除鬚髮未受戒時但
有苾芻名想而未有戒首律師云名為比丘者如涅槃經說沙彌未

受十戒而墮僧數者是破壞煩惱者如四分律說破結使比丘者是
論第五精進至二止息諸經 記曰第五解精勤中精勤有三一止
不善身語二業二止境界攀緣守護根門三止煩惱當知於中略有
二種止息煩惱者景師去略三為二也今解於第三止息中略開有
一一止隨眠二止現纏 論第六出家至所有異門 記曰第六解

出家如文 論補特伽羅至已得成辦 記曰第十五合解幾種建立因緣二門於中有五初揔舉二門二別列其數三以因緣建立八人四建立已結五以五句分別成辦多少善知瑜伽即善知方便者以智行與理相應因智行與果相應故智名方便即亦号相應也若諸所有補特伽羅根未成熟等乃至第二根雖成熟而未善知善巧方便等者此二何異義曰前揔未種善根第二根雖種少分未善知善巧為異 論當知諸魔至生此界故 記曰第十六合解幾種魔幾種魔事二門於中初揔舉二門勸知勸離次別解二門後釋已揔結就別解中初解魔後解魔事前中初出躰相後當知此中若死所依下出其作用若死所依等四句如次蘊等四魔也由煩惱故感當來生已便有夭沒者通由過現十因中煩惱感當生死略不論過去已死現在正死煩惱因緣在於前世等諸有情類命盡是死自性者

此語亦通已死今死當死自性勤脩善者等釋天魔作用又魔於彼
已下重解天魔有用不用時節 論云何魔事至當正了知 記曰
下解第二門略明有八魔廣說無量 論由三因緣至決定有果
記曰第十七解發趣空無有果二由教授不隨順故者如舍利子教
浣衣子作數息觀穿珠子作不淨觀以錯教授不得聖道於三因緣
中具二門一有一無二並不得果基云由三因緣空無有果者謂無
漏道非世間果何以得知可云雖得定而無教授即真教授不隨故
無無漏生故空無果也 論本卷第三十

論本地分中至我今當說 記曰第三瑜伽處文分有二初結前生
後後開章解釋初云已說補特伽羅品者此結第二瑜伽十九門中
初門建立者結第二門及所緣等者結第三門等乃至趣脩有果無
果者結第十九門如應安立我今當說者下有三門如應請問而安

第六卷 瑜伽師地論記

立之 論拙盟陀南口至障淨脩作意 記曰第二開章釋中先頌

瑜伽師地論記卷第六

第十二張

秉字号

列五門後長行別解頌中大意有二初拙三門下十二字別開為五
往慶問為一尋求是第二方安立為第三就安立中別有五句一護
養二是遠離三一境性四障淨五脩作意 論若有自愛至故來問
尔 記曰下長行中即分為三初解往慶問第二以如是等柔軟言
辭下解尋求第三於四種處以四因緣正尋求已復於五處下解安
立釋初門中初釋往字即往請問二如是請已下解慶問解往請中
初為發自利欲往請問應住四處二如是正念下求請問時三將請
問下明請威儀四我於下正明請問次解慶問有十二句讚勵慶慰
論以如是等至種姓根行 記曰第二解尋求門中初以四種審問
處法應審問之次於四種處法以四因緣應正尋求於願種姓根行

處一以審問二言論三以所作四以知他心智而正尋求初以審問
問其發願種姓根行次以言論尋求彼三下以第二言論因緣尋求
種姓根行等三以發願初審問中彼已自知如問答訖種姓根行彼
不自知以難知故故須更依言論所作知他心智而求察之基云初
一因緣尋求四處於初根人處作下三因緣尋求四處於鉢根人處
作何以得知者下發生三因緣尋求四處所中自生起所以其驗三
乘種中不言聞三乘法而兩淚等者此且據決定姓人驗行中云若
有貪行彼聞為說淨妙言論便發寔極淨信愛樂等者此中意由貪
行者貪富樂聞說佛土七寶所成淨妙言論便發寔極淨信等非外
欲境名為淨妙以不能發寔極淨信故解癡行中云如說鉢根癡行
亦尔者前說鉢根雖聞宣說廣淺言論而於法義勵力審思方能領
受解了通達今此癡行亦尔聞說廣法尚不能解况聞涅槃何能逸

六第卷記論地師伽瑜

解故聞為說通達涅槃能離雜染生死果報故生驚怖又若於法義
勵力審思方能領受解了通達若有慢行雖聞正化即不歸信若尋
思行隨聞隨失泰玄前約入道明於貪行今據邪道并尋思行但云
明行相 論於四種處至定資糧 記曰第三解安立門中初聞五
句後次第釋初護養定資糧資糧即是初瑜伽內出離地中并世出
世二道資糧有十四門從若自圓滿至沙門莊嚴如彼釋今此護養
定資糧還舉彼又初并戒律儀後類十三門 論如是遠離至說名
遠離 記曰第二釋遠離初開三句次解後結稻稈積等者釋之云

瑜伽師地論記卷第六

第十三張

秉字号

蓋西國野田治稻留稈聚集為積行杜多者或在積住邊際卧具者
極下極惡破故卧具棄之於地人無取之是也 論云何心一境性
至心一境性 記曰第三釋心性及其與淨障於中有三初解心一境

性次解淨障後以頌摠取前中有三初正解心一境性二明心一境性通於止觀三明九種加行前中先摠次別解後結摠中四句一數數隨念二同分所緣三流注適悅相應等四無罪適悅相應下別解此四句又由彼念於所緣境至無罪適悅相應者此中意以能除染故得極安隱成辦之道適悅身躰而與相應故名無罪 論復次如是至故名等持 記曰第二明心一境性通於止觀中初開二門後徵解二門於中有二初釋止品九種心住二云何四種毗鉢舍那下釋觀品四種真行前中有四初列二釋三明六種力成九住心四明九種住心有四作意通止觀品初列易知釋中基師等云未必是定中心但以往一緣即是也以取初錄心未必得定故故前云是奢摩他品類非奢摩他泰云離於沉浮名為等住審悉遍觀名為遍住始終無間名為相續方便離亂寂靜名澄淨破惡尋思及隨煩惱設

失念起尋即除遣名寂寂靜基云謂有種種欲恚害等諸惡尋思貪欲蓋等諸隨煩惱令心擾動者此乃舉過患方生厭故言貪欲蓋等諸隨煩惱者如對法第七言有煩惱皆隨煩惱其根本惑亦隨煩惱有隨煩惱非煩惱謂二十種等隨惑但隨他生非是根本今貪欲等有隨他起時故名隨煩惱也 論當知此中至等持成滿 記曰次明六種力成九住心中基師云初由聽聞思惟二力數聞數思等乃至等遍安住等者此中若看初由聽聞等二力即唯第一內住第二等住第三第四安住近住由憶念力即初二力攝二種文中復云及即於此相續方便澄淨方便等遍安住即似并取第三安住前解安住明知亦初二力下第三第四同憶念力云何通耶述曰其實第三安住是初二力收憶念力中言安住近住者此中意由憶念力安住於近住中非即安住近住二法是憶念力即唯近住一種是憶念力

又解論云初由聽聞思惟二力即內住是初唯一內住并等住是初二力其安住是憶念力如下言調順寂靜是二種定今云安住近住亦明知收二種非安住於近住中解若尔何故言及即於此相續澄

瑜伽師地論記卷第六

第十四張

庚字号

淨方便等遍安住之言述曰其安住通三力若觀未來即初二力收若觀行成即憶念力收以取初錄心於內時暫即相續澄淨方便非已得安住此乃初作安住觀心後憶念力安住觀成方便憶念力又等遍安住之言即顯等住一種非取安住以等遍於諸塵動法等安遍住之非取安住為初二力今者文相及即於此相續方便澄淨方便等遍安住者正當前釋等住之辭何由此文證似并取第三安住耶故知初二力但成內住等住由憶念力成其安住近住 論即於如是至毗鉢舍那品 記曰第四明九種住心有四作意通止觀品初

是聞思二是了相作意三是勝解等次五作意四是加行究竟果作
意備云前二住心是七作意前方便故名爲力勵次五住心是了相
作意所攝故名爲有聞第八住心有五作意第九住心有果作意問
爲有四觀與七作意相攝耶偈云論旣不說故云不攝今解此文旣
云即由四作意脩毗鉢舍那故亦是毗鉢舍那品故知隨應相攝
論 何四種毗至周遍伺察 記曰自下第二釋觀品於中初正釋
四種毗鉢舍那 論又即如是至如所有性 記曰二又即如是毗
鉢舍那由三門六事已下廣解觀品差別所緣於中有三初搃解毗
鉢舍那三門六事差別所緣次云何勤脩不淨觀者已下約五度觀
門別弁六事差別所緣後如是依止淨行所緣尋思六事差別觀已
下搃結依淨行所緣尋思六事觀已止觀云助其善巧淨惑六事觀
指當說處初中景云法尔道理於如實諸法是搃成立法性者何因

眼見耳等不見難思法性者如地堅等安住法性者何故世界如此
安布等基云三門六事攝惠四種毗鉢舍那者此惠一一皆通三門
六事云成立法性難思法性安住法性等者如所作性故還成立聲
無常此為成立法性如葉藥草呪術是難思法性謂法尔種三乘差
別性名安住法性尋思二事第三相中自相故起事邊際覺等者尋
思色受等二自相得法分齊起事邊際覺尋思第三相中共相第四
品第五時第六理稱法而知故起如實覺 論云何勤脩不至尋思
其義 記曰第二約五度觀別并六事所緣文即為五初并不淨觀
者尋思六事於中云惡見生見者泰云如食至熟名惡見未至熟位
名生見基云變壞故見名為惡見如糞穢等纔生便見名為生見如

韭菜等

論云何名為至不淨共相

記曰其事如文尋思外自相

中弁九勝解下約三變屬當九相可知謂從血鑊等者景師云脉為血鑊以盛多熟血故泰師云若自死者血脉運內流盡若他煞者血外流盡上云血流已盡此之謂也基公云此首身肚為血鑊也以能盛熟血故一取假名衆盡木石泥等所作骨鑊相者三截云欲作不淨觀先觀假骨泰師云脩觀行者欲作不淨觀無實骨可得時以木石等假作骨鑊方脩不淨觀既非實骨故但名鑊若得實骨觀不淨方名骨鑊觀由此道理弁十摠云若骨若鑊若骨鑊若骨若鑊及以骨鑊是俱品變壞者如是骨及鑊等日久月深是自然壞或為火燒水灑名他所壞尋思共相者尔時行者知內自身淨色未壞然同外身已變壞色變壞法性不淨相似名為共相 論云何名為至尋思彼時 記曰其品如文尋思時者謂諸內淨色相外不淨色俱在現在諸此生中已滅過去曾淨色相而今已死現有種種不淨相續而

起今我現有似淨色相於未來世不當不淨如今現在外不淨色無有是處 論云何名為至毗鉢舍那 記曰尋思理中云如是名依世俗勝義及以因緣觀待道理尋思彼理者景云前說無我唯假言說說淨不淨是名勝義觀待道理次說命燼識先業煩惱麤似淨等是名世俗因緣觀待道理基師云此前外內無我是勝義又如說言乃至謂青瘀等乃至骨鎖此為世俗今我此身先業煩惱之所引等是因不淨和合生等是緣今結隨便非依次結又依次結思准可知今解內外無我假說淨不淨名勝義觀待道理又如說言乃至骨鎖名世俗觀待道理今我此身先業煩惱之所引發等者名因緣觀待道理下去我亦於內自能現見者是眼識現量乃至能斷貪欲是滅智現量謂作是思云何今者作意思惟能對治法可於能治所緣境界煩惱當生者基法師解此中意云外不淨境名能對治治欲貪故

瑜伽師地論記卷第六

由緣不淨色故必能治所緣淨境煩惱當生謂有量去緣不淨時應
能治欲貪以緣能治故如緣無相時能遣有相 論云何勤脩慈至
毗鉢舍那 記曰第二明脩慈愍觀者尋思六事差別所緣觀如文
可知 論本卷第三十一 論云何勤脩緣起至諸緣起義
記曰第三明緣起觀者尋思六事諸法生故彼彼法生等者謂前前
支生故後後支生前前滅故後後支滅也此中都無自在作者乃至
轉變諸法此破外道計自在天為能作者生者化者又破數論計有
冥姓名自性計有我諦名士夫餘二十三諦名中間中間是所轉變
故 論復審思擇至緣起事 記曰若內若外者十二支中根所攝
者名內塵所攝者名外 論復審思擇至緣起共相 記曰前際無
知後際無知等者過去十因牽現生死且舉無明故云前際無知現

在十因牽當生死且舉無明故去後際無明如是分別十二支性名
為自相 論復審思擇至毗鉢舍那 記曰品時如文尋思理中初
尋觀待道理謂唯觀待因果謂無明等假說作者受者都無真實作
者受者又於此中有二種果及二種因二種果者一自幹果謂於今
世諸異熟生六處等法者六根六識名自幹果二受用境界果謂愛
非愛業增上所起等者即是六受受用六塵塵是所受用受是能受
用二因者一牽引因二生起因牽引因者謂於二果乃至觸受種子
者由迷前說二種果故起愚癡愚癡發行行能引發識名言種識名
言種後能引發名色種子名色種子後引六處種子六處種子後引
觸種子觸種子後引受支種子如是七支前牽引後三藏去牽引因
正取善惡業躰今此文中通取行因無明及行所引五支種子並名
牽引因下釋相牽引意為今當來生支想所攝識名色六處觸受次

第六卷 記論地師伽瑜

第生故今先攝受彼法種子如是一切名牽引因者如是七支望生
老死當起識等一切皆是牽引因躰言想所攝識者想者是名生支
名所攝識生起因者謂若領受諸無明觸所生受時等者正於現在
領受前際老死所攝受時起境界愛亦起求後身愛因此二愛為緣
生取去及能攝受愛品癡品所有諸取取是愛愛增名取是故四取
以愛為躰故言愛品所有諸取此取與癡相應復去癡品所有諸取
由此愛取潤行支種為增上緣令所牽引識等種子與異熟果故說
愛取有三支名生起因三藏去生起因正取文中約受弁所生愛名
生起因由此二因增上力故便為三苦之所隨逐招集一切純大苦
蘊等者二因即前十支為二因躰因成得果三苦隨逐 論云何勤
脩界至毗鉢舍那 記曰第四明六界觀者尋思六事尋思去來今
世六界為緣得入母胎等者謂捨中有觀待生有四大空識依託不

淨得入母胎後由宿世諸業煩惱及自名言種子以為因緣等盡解
觀待義法尔道理中云成立法性者如四大性堅濕煖動非因緣作
性自成立難思法性者不應思惟地何故堅而不是濕等安住法性
者有佛無佛地常堅等 論云何勤脩阿至毗鉢舍那 記曰第五
明以六事尋思阿那波那念謂依佛教能正了知於入出息境繫心
了達無有忘失是阿那波那念義又思彼息內身可得繫屬身故名
內是外風類名外外處攝故內外差別名了知事又思入息有二者
一入息二中間入息出息亦尔復知如是為長入出息者即知入息
出息起續多時是長如是為短入出息者中間入出息暫起名短
論如是依止至我當廣說 記曰下結及指也結前五停心觀名淨
行所緣乃至若依止善巧所緣及淨惑所緣於其自處我後當說者

瑜伽師地論記卷第六

下弁善巧所緣淨惑所緣處名為自處也 論復次此中至往趣獲
得 記曰上來多文總是第二明心一境性通於止觀自下第三明
九種加行於中初揔舉黑白各九別引白品九名相對弁異次隨別
解釋白品九種後結白品弁其順逆揔表障治十八名心一境性由
此九種白品所攝加行能令其心速疾得定者此據聞思心中作九
加行能速得定令三摩地轉更勝進者此據定心作九加行能令等
持轉更勝進又由此故於所應往地及隨所應得能速疾往無有稽
遲者各起神通往於他地及隨所欲脩起功德由此九種加行所欲
速成 論云何名為相至無倒加行 記曰隨別解釋中一相應加
行者謂貪欲者脩不淨觀等藥病相應故二串習加行者於止觀品
曾多脩習乃至少分非於一切觀行皆初脩業所以者何下舉初脩
業顯曾串習三不緩加行謂起無間殷重二脩和敬業者謂六和敬

四無倒加行如師開悟即如是學離自慢等 論云何名為應至應
時加行 記曰五應時加行脩止舉捨以應其時又能了知止觀舉
捨四法躰相及時上躰即九相心住止相有二一所緣相即是止品
所知本質同分影像是止所緣相二因緣相本定謂依奢摩他熏習
脩止恐依止脩止止沉沒故為令止心離於沉沒得清淨故脩觀加
行脩觀加行望清淨心為因緣相云何為觀謂四行三門六事差別
所緣觀行者即次前卷云四種毗鉢舍那謂能正思擇寂極思擇周遍尋
思周遍伺察名四行也三門者一唯隨相行二隨尋思行三隨伺察行六
事即是義事相品時理觀相有二一所緣相謂觀品所知本質事同
分影像隨觀心起二因緣相謂依毗鉢舍那所熏習心恐依觀心太
復掉動為令觀心離於掉動得清淨故修奢摩他所有加行與後勝

六第卷記論地師伽瑜

觀作因緣相或恐沉下沒者謂知心羸劣恐沉沒時於止觀品調柔
正直等者止觀俱故牙名調柔正直捨相謂由所緣令心上捨等者
景公云極捨沉掉令心上捨若太過精進剛心復動為此不得太過
精進泰師云於所緣境極離止舉名增上勝捨時謂於止觀品創離
掉舉是修捨時亦應說言於止觀品所有沉沒心已解脫是修捨時
論云何名為解至解了加行 記曰六解了加行謂於如是所說諸
相善取善了欲入住出所有諸定隨定皆能或時棄捨定境影像作
意思惟欲界散心所緣本質諸境界等名解了加行此據解了定心
相分像似散心所緣本性之境如此即名捨影像觀質三截云棄捨
定中所緣影像乃緣本林中骨鑠本質 論云何名為無至不捨輒
加行 記曰七八可知 論云何名正至數數現前 記曰九正加
行文分有二初略標具相二其正除遣下廣釋五門初中謂於所緣

乃至諸不淨相者初觀青瘀次即捨觀降脹次又捨觀膿爛等相由
隨境相而起作意於所緣境數正除遣別境現前名正加行 論其
正除遣至名無相界作意 記曰於廣釋中初列次釋後簡取正明
釋中不取諸相名不念也由緣餘定地境思惟餘定地故名於餘作
意者如初靜慮緣上地法上地靜慮緣下地法等名緣餘定境 論
雖遍安立至不念作意 記曰簡取正明中分二初摠標簡取所明
二種二出其相前中理通安立一切所緣正除遣相摠有五種然此
義中意取內攝其心不念作意者此中第九并正加行正能除遣所
緣境相故於五中意取第一內攝其心第二皆於一切相不念作意
也第三仍緣他地境第四仍觀不淨等境第五仍緣無相界作意思
惟是故後三不順除遣正加行事 論初修業者至攝受適悅 記
曰第二出其正加行相中初解不念作意相二復行有相有分別已

下解內攝其心前中謂初修業者全不於五作意所緣境繫縛其心
唯念得無散乃至離諸作用於內適悅於外相無思惟除遣所緣終

瑜伽師地論記卷第六

第十九張

康字号

習行中攝受適悅 論復行有相至名正加行 記曰第二解內攝
其心中初法次喻後合初去復行有相有分別不淨等境等者此明
出不念作意而取外相不淨等境去何而行乃至不取捨不釋不捨
不取之義由於所緣止行轉故不名為捨乃至不能往趣乃至現觀
所知境事此返解釋由數勝解數除遣故下順解釋譬如世間下第
一舉喻顯之此中道理下第三合喻於狹小境起勝解已即於狹小
而正除遣等者且如初緣狹小青境起勝解已即於狹小而正除遣
緣廣大青或無量青次即除遣當知亦尔於狹小青正除遣已或於
狹小黃色復起勝解或於廣大青或無量青而起勝解於其廣大及

無量當知亦尔者緣廣青已次即除遣更觀廣大青或無量青或狹
小青等無量亦尔若諸色法所有相貌影像顯現當知是應變化相
似者若緣色法影像是應似於變化諸無色法假名為先如所領受
增上力故影像顯現者若觀無色餘二聚法無相貌故尋名領受增
上力故影像顯現如此影像躰性是何三藏云隨緣受想等諸非色
法所起影像即是本質性類名為彼法 論如是九種至心一境性
記曰結也 論云何淨障至諸障過患 記曰次解淨障於中有二
初解淨障二以四句分別能淨障行前中先摠標列次隨別解釋於
中兩番初番中怯弱障者謂於沮繫出離法及於出出世道遠離之
法勤脩行時於雜染法有戀慕不樂希望憂惱故心怯弱尋思障者
謂欲害等尋思知障過患謂此障有故於其四種障在身時未證
不證已得退失乃至生諸惡趣名知障過 論云何名為至脩習對

六第卷記論地師伽瑜

治 記曰初明怯弱治後明覆等治前中初明蓋通治捨用隨念作
意慶悅其心謂求出離及脩遠離理亦無難今諸怯弱已生除遣未
生不生次明別治二明餘蓋覆等非理作意用彼相違如理作意為
治者有貪蓋及欲尋者不淨想治有恚蓋恚尋脩慈為治惛沉睡眠
思明相為治親屬國土不死等掉舉惡作親屬尋等脩止行寂靜為
治疑依三世行諸行計我為有為無等了知三世諸行唯因緣法已
有當有今有為治 論又遍了知至淨除諸障 記曰第二番重解
如文可知 論當知此中至悟入道理 記曰下四句分別能淨障
行初句明脩衆多教脩觀衆多由觀多故令止亦多觀又隨境品類
亦多 論正脩行者至現量智生 記曰正脩行者下第二明由觀
串習增長廣大令止亦然身心輕安與心一境性互相資助展轉相

屬身心輕安離於慮重名轉依心一境性離散乱名得轉依依於所知境現量智生 論問齊何當言究至乃至廣說 記曰下第三明五停能淨障行滿足分齊初問後答中初明不淨觀成滿分齊二類慈愍等四成滿分齊故去當知亦尔下并差別謂多分慈心行相顯現非嗔恚相於能隨順嗔恚纏處法心不趣入乃至廣說心不愛樂心不信解安住於捨深生厭逆當於尔時脩觀行者應自了知我今已得慈愍觀我今已得所脩果齊此名為於慈愍觀已得究竟等其若愚癡多者觀於緣起了十二支唯是無常苦空無我行相顯現非彼常樂身見俱行解語如前計我慢者界分別觀了知此身唯多界性身假聚中種種差別相貌顯現非見身聚一相顯現尋思多者作數息觀寂止尋思名內寂靜想現非更得起種種尋思戲論想現論問齊何當言奢至雙運轉道 記曰下第四明止觀二道雙運分

六第卷記論地師伽瑜

齊荅若有獲得乃至脩增上惠者九相心住中第九等持住亦名等引住用此為依於世俗勝義諦法觀中脩增上惠彼於尔時由法觀故任運轉道無功用轉不由加行等者由多脩習不由功用止觀雙轉論中喩拈南曰至今障得清淨記曰自下第三以頌摠收中喩拈南曰者喩拈南頌有三一者是初謂弁法時初以一頌謂不重頌摠列諸門後依門釋二者是中即是重頌弁法未了中間舉頌重收前義三者是後謂弁法竟摠舉重頌重頌前義今此四頌但是中頌以安立中有其五義餘有第五脩作意門未解即舉此頌重收前義故名為中今此四頌頌前二門初三頌頌心一境性後之一頌頌於淨障心一境性中初明心一境性二明心一境性通於止觀三明九種加行通止觀中先明止後明觀觀中初明四種二明三門六事今此頌中初一頌頌三門六事差別所緣次二頌頌九種加行論

云何脩作意至四淨智見作意 記曰然五門安立中上來三段并四門訖自下第四釋第五脩作意門於中有二初明初脩業者為證心一境性及斷喜樂脩四作意二教初脩業者於脩作意取五種相前中復二初牒前標列後別解釋前中云始脩業者於所安立普遍

瑜伽師地論記卷第六

第二十二

藏字號

相中由一境性及淨諸障離邪加行學正加行者前第三瑜伽初有三門一往慶問二是尋求三方安立安立中有五門一護養定資糧二遠離三心一境性四淨障五脩作意今牒第三於所安立五義中心一境性普遍緣故故云於所安立普遍相中心一境性及淨諸障離於九種邪加行學於九種正加行等此即牒前彼應寂初至四種作意者此即標數次列四名 論云何調練至智見作意 記曰然別解釋中有兩番釋初番可解 論彼脩行者至成可厭處 記曰

第二番中文分為三一解可歇患處略有四種一自衰損二他衰損
會遇現前三自興盛四他興盛離散變壞 論即彼行者至是名異
門 記曰二解可欣有三一隨念三寶謂我與諸具戒具德等共為
法侶等意但取彼所念僧寶第二隨念學處清淨尸羅清淨中遠公
云我得與彼同梵行者同戒同學同其所見等者意念自身三惠清
淨與勝人等令心欣樂三於自所證差別深生信解無怯弱處令心
欣樂中有二一念我今有力能得未得等故令心歡喜令心欣樂二
又由前後勇猛精進已住所證復於後時更有所證生信欣樂是名
異門景師解云異門者新有所證心生欣樂異於舊故名異門亦可
異於初番初番但云由此作意於可欣尚法令心欣樂是名滋潤作
意以解欣尚今約緣於三境一念三寶二念學處尸羅清淨三於自
所證生信欣樂故異於前今解前云我今有力乃至於現法中能得

未得等故生歡喜今云由隨念已得復於後時所證深生信解故異前門 論彼脩行者至皆能成辦 記曰自下第三明依二處生四作意以彰功能於中初法次喻後合

論本卷第三十二

論云何初脩業者至五了別事相 記曰自下第二教初脩業者於脩作意取五種相文分為二初先教誨始脩業者依五停觀一一教取五相脩習二如是所有初脩業者蒙正教誨脩正行時已下明初業者如教脩行得色界定前中復二初摠問答標列二別解釋初問云何初脩業者乃至心一境性者問始脩業時如貪行者等安立不淨等隨所安立正脩行等云何寂初觸證不淨斷貪喜樂等心一境性後答謂善瑜伽師乃至取五種相等者善師教初脩者依見聞比度取五重相正脩行時觸證不淨斷貪喜樂等心一境性此五相中

六第卷記論地師伽瑜

厭離相過患相了別事相即是前說調練作意欣樂相即是前中滋
潤作意唯光明相非前所明 論問若依瑜伽至如理受持 記曰
第二別解中有二初教多貪行者依五種相脩不淨觀二類多嗅癢
慢尋思者脩慈等觀前中初問後答答中有三初明依五相推求觀
察次如是汝由善取如是厭離相故等已下結不淨觀趣入念處後
初脩業者始脩業時諸瑜伽師依不淨觀教誨等結正教行前中雖
五相而分為四段以厭欣二相合為一段故初段明教取厭欣脩不
淨觀於中有三初明教取厭離相次明教取欣樂相後明由厭離欣
樂二相當得身心輕安心一境性前中初明由聞見喪失及自身證
退失事故生厭即上所言或見或聞或心比度是也或由惡作者由
求姪欲散失財物或由家火者是見二明教深心厭患作憂持病病
法性者泰去病是能病所依五蘊名病法性 論汝取如是至取欣

樂相 記曰就教取欣樂相中云如是且於一種尸羅清淨為先歡
悅復於除障當生喜悅若汝獲得前後所證少分差別者瞿於前後
歡悅喜悅於佛或佛弟子及自後時更有所證發喜悅意如是行相
諸適悅意先名歡悅今名喜悅按名悅意者結名按別 論取是相
已至及一境性 記曰由厭忻二得輕安定 論汝若如是至取過
患相 記曰下第二解過患相色等十相者有釋四大青黃赤白男
女是十也今云色聲香味觸男女生老死也欲等八尋思者謂欲患
害不死親里國土本所作曾所受樂泰師云八惡覺貪等五蓋名隨
煩惱如對法說如是諸相能令其心作用遷移等者此明相等三法
增上過患脩云即前論解障出離心名為思慕障遠離意名為燥擾
泰師云此之三法是苦諦躰而非聖躰故云是苦非聖 論又汝應
依至寂滅樂相 記曰教脩六想治前三過於六想中初二治初十

六第卷記論地師伽瑜

相遇患前由取於色等十相令心作用遷務今觀十相決定相於無
相中無作用想是即不起遷務作用次二治八尋思前由八種分別
尋思能生思慕今由於彼貪恚等無分別想於無分別中不作思慕
燥擾想故此二想治尋思然於八中合本所作曾所受樂為一故亦
名七尋思後二治隨煩惱前由起隨煩惱令心染汚恒不寂靜恒被
燒惱今脩寂靜想不起隨煩惱故離燒惱 論以取如是至或月輪

論六 三三

乘

明 記曰第三解光明相由脩六想恐沉沒教觀光明 論既取如

是至繫念在前 記曰第四解了別事相中初詣塚間取青瘀等相

還所住處繫念在前類身亦尔 論復於其中至發勤精進 記曰

後教思惟不淨加行於中有三初明教思惟止品加行次明教思惟
觀品加行後明摠教二品加行中分明數習脩光明想前中初法次

喻後況法中無相想者不見自他色等十相無分別想者由觀死死
更不分別貪患害等八種分別寂靜想者由觀死死隨煩惱等不生
作寂靜想無作用想者由觀死死不見十相作無遽務作用之想無
所思慕無躁擾想者由觀死死不復分別貪等尋思作無思慕無躁
擾想離諸煩惱寂滅樂想者由觀死死隨煩惱寂滅作離煩惱寂滅
樂想又於其中至分明現前者此勸遍了知亂不乱相分明現前下
出所了亂不乱相若正觀時諸相尋思隨煩惱起應知是亂若於觀
時心一境性隨六想脩應知不乱又沒於此亂不乱相至無相無分
別寂靜而轉者既了亂不乱相即應安住一所緣境令心寂止相續
流注又若收心乃至發勤精進者勸知過起微細難知為求識過應
勤精進 論世尊依此至而正護持 記曰下第二舉喻大等生等
者三藏云應云大生等生即長者兒若生自大夫人名為大生生自

小婦名為等生泰公云初初始立王皆衆人共許為大許者非一故名等復許為大故搖為大等自此已後所有人王從大等生故名大等生後言等者向上等是又解帝王名大等諸侯名生等蓋之言覆脫之言若論如是比丘至及隨煩惱記曰第三况也論是瑜伽師至諸不淨相記曰下第二教思惟觀品加行於中分二初結前止道善不善脩若不能善脩者更以觀道作意思惟諸不淨相泰公云自知理觀艱策方起出於理觀住於事觀今解勸出止品所緣境相當住觀品境相論汝今復應至骨鍊亦尔記曰後正明觀相中有二初明二種作意脩不淨觀後又非脩習已下明此觀門非頃觀察前中先作假想勝解論汝依如是至真實作意記曰次當趣入真實作意廣大脇山者泰公云王舍城門西有山名毗富羅唐云廣大上狹下廣形若人脇故借為名論又非脩習至寂靜而

轉 記曰自初乃至尋復令心於內寂靜者明非觀一死屍青瘀即

偷跋六 三

東

觀二屍乃至一切相續頻觀既不頻觀觀法云何謂讒應於一屍骸
青瘀起於勝解尋復攝心不觀青瘀於內寂靜次復進觀二屍青瘀
還即攝心不觀青瘀乃至觀於一切青瘀還即攝心於此所緣境相
喜樂明淨無諸擾惱不強勵力齊尔所時應於如是屍骸發起勝解
言若讒於此至應脩寂靜者若觀青瘀勵力方起則應攝心住內寂
靜不緣青瘀如是令心內寂靜已乃至寂靜而轉者從初觀一死屍
終至無量內略其心不取無重青瘀等相然心當彼青瘀等起故言
不令奔捨而復不作青瘀等解故言亦不分別尔時其心仍當青瘀
而無分別故言唯即於此所緣境相安住其心無相無分別寂靜而
轉泰公云漸除漸略不淨觀境故不顯現然觀少色故不令奔捨有

第六卷 記論地師伽瑜

分別相於少色中亦不作意分別意言我觀小色即於此小色所緣境中安住於心無衆多色相及作意分別寂靜而轉 論彼瑜伽師至而相明了 記曰自下第三明二道加行中脩光明相也 論如是汝由至當得趣入 記曰第二結不淨觀趣入念住中初結五相明由趣入後明依聚落護身心前中於時時中已下是第五相也言於時時中內心寂靜者明止行也於時時中由隨相行毗鉢舍那思擇諸法者脩於觀也自他身内外等者謂於自他未死身内外不淨及死後出透塚間青瘀等位數起勝解取不淨相又復攝心於內寂靜此中若自他身報名內扶根塵名外亦可取自他身身內不淨名內若取自他身之外相不淨名外於奢摩他品者乃至於內脩受心法觀者以聞思心取彼六根內略俱行四蘊名脩內受心法觀攝心住於六根名為內略受等非色四蘊躰相無雜故名無亂亦可定之

境故名無亂於無散亂品者謂汝於先散心取境過去盡滅四無色
蘊及今作觀行時中間失念取相尋思隨煩惱境四無色蘊汝應於
此以聞思心如理思惟此四蘊性皆是誑幻率尔現前多諸過患不
可保信如是名為外脩受心法觀泰師大內念住止用勝外念住不
緣五欲名無散亂於毗鉢舍那品者乃至於內外脩脩受心法觀者
觀品四蘊非散亂心名內受心法取相分別邊名外受心法 論又
汝應於至廣大圓滿 記曰已下第二教依聚落護身心若於如是
諸境界相不應策發諸根等者景公云若於染境不應策根莫作功
用若於生善境界汝應策根正作功用濠之言路泰云入聚落時見
惡境界不策諸根若見母邑即策諸根以住正念 論初脩業者至
名正脩行 記曰結正教行也 論如說實行至皆當了知 記

曰已下第二類餘四停觀初捻類同論其中差別至當知亦尔
記曰後顯差別異不淨觀於中分四初解慈觀復分為二初解於三
品有情脩與樂觀二又彼不捨已下明慈行趣入念住前中或無罪
欲樂等者謂欲界無罪欲樂初二定地無罪有喜樂第三定地無罪
離喜之樂也論又彼不捨至脩脩身觀記曰第二文中云餘亦
於彼乃至如是名為於外身脩脩身觀者諸餘有情於彼向說我親
惡中亦是彼家親惡中品如我欲樂背苦彼親惡中亦復欲樂背苦
作此念時名於外身脩脩身觀如我既尔彼諸有情亦復如是者如
我自身有親惡中人彼諸有情亦復如是有親惡中人如我自欲求
得勝樂彼諸有情亦復如是者如我雖有親惡中人然自求勝樂彼
諸有情雖有親惡中人亦於自身求得勝樂彼諸有情與已平等等
者此明於自他身平等與樂文中但云與已平等與已相似當與彼樂將

知平等亦與已樂自他俱與名於內外脩脩身觀泰師云如我既欲樂皆苦彼諸有情亦復如是欲樂皆苦我當與彼利益安樂名內外觀論此四念住至唯身念住記曰摠緣諸蘊說名壞緣念住等者此說摠緣五蘊名雜緣法念住若別脩身念住者但取青等顯色長等形色身葉表色於三品而起勝解故立身念住泰法師云若四念住已得成熟摠緣諸蘊名壞緣念住若方便時但取色相唯身念住論彼復依止至當得安樂記曰勝解作意能正趣入真實作意等者上來摠於一切有情假作勝解建立三品謂親惡中今明趣入真實勝解如文泰師云前際所有真實三品數過假想所作有量三品故無少分親惡中性論如是趣入至餘如前說記曰下校量中泰師云真實慈觀分為百分望於假想慈惡假想不及百分中之一復析實觀以為千分假想不如千分之一乃至實觀為算數分

假觀不及其一更細分析為鄔波分假不及一鄔波尼然曇分者數
中取多取極無名可翻餘如前說者有釋餘如前惡惡觀今解此顯差
別門意餘門如不淨觀中說准可知也 論又於緣性至餘如彼說

倫議六 王六

東

記曰第二解緣起觀中初觀緣起二從緣起趣於念住初脩業者乃
至感得當來純大苦蘊者謂初脩業者由聞思修分別了知謂諸有
情由愚癡故現見無常不淨苦及無我妄計常樂我淨有四顛倒由
愚癡顛倒發種種業以之為因即於現受而起於愛及後所生諸自
身中起後有愛由此二愛潤前所造生根本業感得當來純大苦蘊
此則觀他自下自觀亦如是生若於自他去來諸蘊緣性緣起作意
思惟名於内外身受心法住彼脩觀者若緣自他過去已受諸蘊名
內未來未受諸蘊名外 論又於界至種姓自性 記曰第三解六

界觀中初遍觀內外諸界二復有異門下唯觀內身六界前中復三
初觀應六界第二又於如是四大種中下假想以細析應第三若於
自身已下明趣入念住了知如是四大身中有一切識諸種子界種
姓自性者依隨轉理門四大五根身中有諸識種具足應言四大五
根及六識中具有一切色心種子今此略言四大身中有一切識諸
種子界 論又於如是至此亦如是 記曰以細析應文分有四初
析四大二析空界三析識界四析十色界如析四大泰師云為資身
因緣故吞咽吞咽之處名於是吞咽 論若於自身至住彼脩觀
記曰趣入念住 論復有異門至無量識界 記曰就其第二唯觀
內身六界中文分為二初作勝解觀二作真實觀前中復二初明觀
水火地風空後總結依不淨加行入界差別住脩身觀就真實觀中
云謂由如是勝解作意乃至虛空界相者牒前勝解作意我從無始

第六卷 記論地師伽瑜

生死流轉所經諸界無量無邊甚過於此者無始生死所經諸界甚過於此勝解所觀地等六界下明水火地風空識如次觀之 論又於阿至而起勝解 記曰第四解阿那波那念文中有三初正觀息風二明入身念住三觀三勸脩加行前中初明方便先於舍宅窓門等善取其相故泰師云假相在外聚如囊風聚往來於內息之如息風往來於喉二正緣內入出息風於中先制微細息風經心胃處應穴往來次取漸漸於衆多風乃至遍於一切毛孔風皆隨入如是所有一切身分風聚所隨無量風聚於中積集 論彼若於內至住脩身觀 記曰第二明入身念住三觀中第三云若復於自臨欲死時而起勝解乃至由法尔故名於內外身住脩身觀者若緣自身身臨欲死時息猶未斷或緣臨死息風已斷名緣於內由法尔故有如此理

未死息斷若緣已死息風已斷名緣於外。按此二種名於內外住脩身觀。論遍於一切至如前應知。記曰勸脩加行中景公去勸初脩者遍於九種正加行中應脩如此阿那波那止品所攝無倒加行正加行中所餘八種如前所明今解略顯息觀差別義門於九加行中順無倒加行所餘義門唯前不淨觀應知其相亦可按結慈等四觀與不淨觀差別義門是止品攝無倒加行所餘一切義門如前不淨觀說應准知之。論如是所有至清淨相狀。記曰上來教初學人脩五種觀自下第二明初業者如教脩行得色界定文分為四初明正脩行時成三利益一熾燃二正知具念三調伏貪憂於中列釋結如文第二先發如是正加行時下明前能引後第三如是乃至有彼前相下明漸增煩惱障遣即有相現漸漸舒緩者初起輕安漸捨戚故名舒緩泰師去得定前伏於已頂上似有重物而起後便遍身

輕安第四從是已後初脩業者名有作意下明得色界定於中初明得定作意後明有作意者相狀

論本卷第三十三

論本地分中至究竟為其後 記曰第四瑜伽處文中初有二頌列其二門次依門弁言二門者一趣世間二趣出世間世間即是伏惑得定脩世五通等有漏功德出世即是十六聖行乃至得果無漏功德今明脩習此二功德即是第四瑜伽之躰景師判云前頌列世間瑜伽後頌列出世瑜伽就初瑜伽曲有六門一明伏惑七種作意二廣弁八定三明無想滅定四弁五通有漏功德感生差別六明離欲弁後頌出世行中觀察於諸諦即是見道已前脩起了相勝解作意了相作意在捨別念處勝解作意在四善根並觀四諦如實而通達者即在見道脩遠離作意通達四諦真如永斷見惑廣分別於脩者即是觀察作意觀察見脩二惑已斷未斷復起相樂作意進斷脩惑

證中二果乃至進斷非想八品已還脩惑更復脩起加行究竟作意
即是非想第九無間道金剛喻定究竟為其後者即是加行究竟果
位居無學盡無生智基師太初一頌明述一持有七第二一行明初
門中七作意初明七門者一作意二離欲三廣弁諸定四二定五五
通六生差別七諸相此第四時以此為終前三十一二等中明第四

信滿六

三

乘

障淨今解第五脩作意即第三十中之大文也今依前判 論已得

作意至發起加行 記曰依門弁中初略解二門二問此中幾種已

下廣弁前中已得作意諸瑜伽師已入如是少分樂斷者此即結前

所明初脩業者已得定地所攝少分七作意樂斷煩惱樂證但繁從

此已後初脩業人唯有二趣 論問此中至皆當廣說 記曰就廣

弁中大文分二初盡此卷弁趣世間後卷中明趣出世間前中初略

六第卷記論地師伽瑜

弁六門第二廣弁六門前中略有四種法趣世間發加行其第四人
謂一切菩薩樂當來世證大菩提非於現法基師云此意明菩薩當
來佛果非現在法世間道雖現發加行但於生死中成就衆生於世
間道加行故此人若至心趣當來佛果即出世道發加行今約前義
復有二種一者具縛謂諸異生二不具縛謂諸有學者問云何有學
樂趣世間發起加行耶解云四中第二第四發心已去盡名為學分
伏脩惑名不具縛謂先於欲界觀為麤性等即是略弁七作意離欲
及諸定又依靜慮等下略弁後四門泰師云有四種人六行伏惑一
諸外道二內法中久脩定行唯以六行伏諸現纏三本性雖利熾等
不熟故不能起諦觀離欲還起六行伏惑起定或生上地四大菩薩
留惑未盡故起六行伏諸煩惱而發神通又諸有學已斷欲等四地
惑以世俗道伏五地惑能起滅定故不還者亦起六行故此論云舉

無心定若前云有學謂初二果不能伏惑得根本定若得根本定應
得滅定故雖作此釋不順文相此中雖明聲聞行法而總括現法樂
住世間起加行者故并明大菩薩 論為離欲界欲至果作意 記
曰下第二廣弁六門即為六段解初七作意離欲初明七種作意離
欲界欲二明七種作意離初靜慮已上乃至無所有處欲前中先總
標列後別解釋此即初也 論云何名為至聞思間雜 記曰後
別解釋於中有四一次第別釋七作意二明作意轉時喜樂漸增乃
至充滿住對治脩果三重釋作意作用差別四明與四作意相攝就
初段中初釋了相作意謂能了欲界麤相初靜慮靜相基師云小乘
中解六行皆須作今大乘唯一行即得不要具六行於六行中隨意
作一種也順樂受處是貪欲依處是想心倒依處者景師云大乘
就貪義說想倒及以心倒故貪依處即是想倒心倒依處也今解想

六第卷記論地師伽瑜

與貪俱行於一境故云是想心倒依處何故就貪義說為想倒順不
苦樂受處是愚癡依處乃至是見倒依處者因癡起見故癡依處即
是見倒依處此中能緣名煩惱所緣名事欲尋思欲共相中云一切
欲謂生等苦乃至求不得苦不言第八苦者基師云此中據世共知
者說據世俗共知苦說不約勝義苦說此勝義苦一切欲及諸事皆
雖有難知故不說也今解廢拯就別故略不言尋思諸欲應品中云
猶如骨鏹乃至如樹端果者此約八喻以明過患泰基等云此中如
骨鏹可惡如凝血肉無血凝為肉不實可惡如草炬須臾滅如一分
炭火能燒山澤少分諸欲能滅眾多善根餘之如前又解以身觸火
便成重病不觸得中還成其樂欲亦如之又云如炭一分有火一分
無火可厭惡也此義不然尋思欲應理中景判由大資糧大追求等是

觀待道理食能對治諸飢渴苦下明作用道理又彼諸欲有至教量
現量比量明證成道理又彼諸欲從無始來下明法尔道理今判第
二作用道理從又彼諸欲雖善生起雖善增長乃至為除病故服雜
穢藥文是也餘如前判泰師云欲界內處有色報身應重不同色界
細輕養以段食着以衣裳或為他壞斷或又死土自然離散消滅性
法或復自身隨所生起種種苦惱常須對治 論彼既如是至應重
性故 記曰勝解易知解遠離作意云寂初生起斷煩惱道者基師
釋前二作意不言斷惑第三遠離能斷煩惱故言寂初斷道生問曰
如秤兩頭低昂時等何故得了相色界心猶有欲界惑未殫述曰了
相已前欲界間思作厭欲未能隨順斷下品惑其了相勝解能順遠
離斷下品欲故了相勝解雖不能斷惑而生如初果人未離欲脩而
得未至今時了相亦尔未離下品惑等即得了相了相起時雖惑不

六第卷記論地師伽瑜

生如善心生時惡心不起非斷故不起遠離作意斷故不起初二作
意故猶未斷於初二位中有間起欲惡 論從是已後至果作意
記曰次二可知解後二作意中基又釋云解加行究竟作意去由是
因緣從欲界繫乃至名加行究竟作意者此中解六行伏惑得上無
間道語故言暫時伏斷此伏斷若伏上心若伏種子二俱湏伏何以
得知解初二作意中去第二作意不為間思間惑雖不生以伏上心
未名無間道至第三作意中伏種子上生現行果功能方名無間道

燈錄六 三十

事

此有漏行為之若無漏行要斷種子方名無間道雖上心下生仍為
方便道今此亦然伏上心為方便道伏種子為無間道第七作意從
此無間由是因緣證入根本初靜慮定等者此中論意第九解脫道
居根本靜慮前九無間道入解脫道皆在近分定中此中二釋一釋

始從初靜慮乃至第三禪九無間九解脫或在近分中第九解脫或在根本定中若四禪以上第九解脫道定在根本定中前八解脫九無間在近分中所以者何三靜慮以下根本有喜樂故近分地中有捨故根本地若遊觀若斷惑皆無捨受以闇法故決定無有樂喜明利故有其近分中若斷惑若遊觀皆有捨俱唯遊觀得有喜樂喜樂非斷惑時有三靜慮以下有利鈍二人起無間解脫道若利根人第九無間道居近分與捨相應第九解脫道居根本定與樂喜相應若鈍根人第九無間道居近分與捨相應心鈍不能速疾入根本定與喜樂相應其第九解脫道即居近分定與捨相應今言第七作意入根本定者即約利根人速疾能入根本與樂等相應此第七作意取三靜慮已下若居近分為解脫道即與捨受相應若有根本定為解脫道與樂等相應其第四靜慮以上前八解脫九無間道皆在近分

瑜伽師地論記卷第六

中若第九解脫中必在根本定中非居近分此為勝義又云若不如是分別前九無間道八解脫道居近分定中第九解脫有居根本定中始從初靜慮乃至非想亦然前義以何為證若總解處不分別前六作意是近分第七是根本但云無間解脫道受俱為證也未見文以分別為妙故後義即以此文為證前家會此文如前利鈍人釋至下空處中當廣釋 論又於遠離至離欲界欲 記曰下第二明四作意轉時喜樂充滿住對治果問曰七作意中何故但明此四有其適悅解云遠離攝樂加行究竟此三作意是無間道親除塵重故增適樂加行究竟果作意雖非無間道正能漸惑而是解脫初離欲究竟增適悅多是故偏說餘三作意中前二是加行道觀察作意是勝進道不同前四所以不論 論又了相作意至善脩習果 記曰下第三重釋作意作用差別了相作意了知欲惡應斷靜慮應得觀察

作意於知分齊離增上慢餘五如文泰師云小乘共許於未至定無
喜樂受今准此論并喜樂文速離攝樂斷初二品在未至定喜樂俱

倫齊六

三

美

行然捨所間故時時起加行究竟俱行喜樂未遍身分亦與捨間果
時喜樂常相續起故不言時時基師云如二十八云前二皆加行道
今此唯以勝解為正加行者今據勝上處及隣近無間道處及不為
聞思間處說故唯說勝解為正加行前二十八約實為論了相亦是
加行又此解正發加行未必簡了相非加行道以勝解隣近勝故說
定正發加行且說勝解為正加行不遮了相據實無違又何故斷上
品訖不言離增上慢又不對第三品斷後說離增上慢而於中品斷
後說離增上慢義曰前六品惑麤易知後三品惑細難了斷前上中
品惑訖不知下品惑在乃起增上慢謂九品並盡已證得根本定金

離此慢故於漸中品惑後說離增上慢非上品後說離 論又若了
相作意至順觀察作意 記曰下第四將六作意與四作意及狀斷
二治相攝基法師解今此中意與四十作意相攝及四對治相攝四
十作意如前第十一卷釋今云了相作意若勝解作意捨名隨順作
意狀壞對治俱行者隨順作意於四十中當二十五作意隨順作意
狀壞所緣順斷煩惱故前二作意是隨順故又若遠離作意加行究
竟作意名對治作意斷對治俱行者對治作意當二十六對治作意
者謂由此故正捨諸惑為此二無間道故故對治作意又攝樂作意
名對治作意及順清淨作意順清淨作意當二十七順清淨作意者
謂修六隨念即念佛念法等若攝樂作意斷中品惑故名對治作意
以明緣六念修別樂觀清淨迥繫佛等亦名清淨別緣此故不共遠
離等一處明又前遠離等不收順清淨作意故此同收問曰何故此

中不收四對治義曰影顯故此說斷惑唯遠離等應知是對治若尔
何故不言俱行義曰對治是惠作意是意前文又收對治作意與惠
俱行名俱行今此中唯明作意不明對治無惠故不言俱行又若觀
察作意名順觀察作意者當二十八作意順觀察作意者謂觀諸煩
惱斷與未斷或名俱行今此中明作意觀先所證諸法道理此望前
亦是遠分持對治等今略不言望前遠離是被勝進道故名遠分對
治望攝樂作意是解脫故是持對治今以從攝樂後明故不言對治
相收前已不相收故又云如是其餘四種作意當知攝入六作意中
謂隨順作意等者義曰四作意是七作意外故名餘此四作意是四
十作意中作意今收入七作意中六故故言攝入六作意中間曰何
故此中不明第七作意相收若第七作意是果此四作意及前六皆

瑜伽師地論記卷第六

因因可相攝非果故不收第七作意此中以七攝四十故唯但攝四
彼第十一下又以四十攝七即七中有四十作意攝盡今以七攝四
十非四十攝七故不盡收有不同勘之 論如初靜慮至七種作意
記曰自下第二明七作意離初靜慮已上乃至無所有處欲於中分
三一舉初定總類上地皆有七作意二若於有尋有伺已下別解依
上難下有七作意三又彼處相下明以六事尋思二種處相初文可
知 論若於有尋至七種作意 記曰就別解中已證入已得者此
有兩解一云身在欲界入初定故名已證入生彼地故名已得二云
正在定故名證入雖不入而得故名已得若在定地乃至是名為伺
者景云此尋伺行既有麤細不得俱生八支正道正思惟但是尋尋
以思及惠為性正見亦是惠一念中無二惠並可義說為二亦可正
思惟以思為性正見以惠為性別躰並生泰師云名言能詮法意能

分別法尋俱意亦能分別法分別法義似若名言故名意言又解言
是思惟言非是語言意與思惟名言俱行故名意言基師云名目言
法名非是願意尋能思諸法似於名言故言意言性也又言說名是
言名思惟名是意名尋是思惟名故故名意言也小乘尋伺與根本
相應有人云今大乘不尔尋伺唯在方便者不然餘處又云定中無
尋伺又無五支根本靜慮立支故也又正了知如是尋伺是心法性
等者但解尋伺是心所性與心並生不解尋伺自得相應依內而生
外處所攝者依內根而生終是法塵外處所攝又正了知如是尋伺
三世所攝從因緣生乃至隨逐諸欲等者觀初靜慮尋伺散動不靜
隨逐諸欲及離生喜樂少分攝養 論又彼處相至果作意 記曰
第三文中云苦住增上者泰公云下地有情所住五蘊及以四蘊苦
增上故名爲苦住基師云謂下地住於苦增上也 論復次此中離

欲至故名安住 記曰下第二廣弁八定於中初解八定後約靜慮
及與無色相對弁異前中初釋初靜慮中離欲惡不善法有尋有伺
離生喜樂入初靜慮具足安住二欲二離者貪名煩惱欲五塵名事
欲對治起時不與貪俱名相應離欲皆五塵名境界離所言離者謂

論第六 三三

乘

已獲得加行究竟作意故者得第九無間故能離欲諸不善法故名
為離所言生者由此為因由此為緣無間所生故言離生者由得第
九無間道離欲惡盡從此無間得彼加行究竟果作意俱時有喜樂
生言喜樂者謂已獲得所希求義故等者景云樂是喜受非倚數也
謂此喜受令身適悅名樂基師云此據利根第九解脫道是入根本
靜慮人故言生喜樂若鈍根人第九解脫道居近分定已後方能入
根本起生喜樂乃至七日七夜能正安住者基公云明入定能至七

日夜安住也何故不言多時唯言七日等者謂欲界中段食絕七日故若出七日出定已其身即壞故不得經多日又且約尔所而方入滅定不遮多年月也若過七日已出定其身即壞若七日內出定其身不壞今約不壞時為論但言七日問曰過七日已入滅定若尔出定應死義曰不然多時入定定力持故不死今亦出定即入有心定故亦不死問曰亦出滅定滅定不持身故身壞不壞耶答曰壞論復次於至如前應知記曰次解第二靜慮中內等淨者小論是信得第二定時信知定地一切煩惱悉皆可離故信明顯今大乘中用捨念正知離尋伺亂名內等淨又以喜心動踊不靜不得捨念正知之名二十七中有文定生者此與初靜慮異彼名離生此名定生彼得初定離欲界繫名離生此約先已得定故故言定生言喜樂者謂已獲得所希求義等者本初二定樂俱是喜俱是喜受義分為二者

令賴耶適悅邊名樂令意識適悅邊名喜先求喜樂脩第二定今時
獲得所希求義泰師云詳此論首尋伺唯在方便定故初定根本與
未至定尋伺尚起今得第二定時方便亦無尋伺故言超過從初根
本定無間而生二定方便故名定生 論復次彼至及佛弟子 記
曰解第三靜慮中捨念正知皆治於喜不同小論正知防當地樂泰
公云初二定中並無離喜樂及令意識聚無分別樂雖有捨受而與
喜尋伺間起非無間捨基師云第三靜慮已下無如此樂及無間捨
者已下有樂勝是喜適悅身心為異今第三靜慮中適悅心亦名樂
以樂極故故言下地無如是樂下地內行中雖有捨不別顯名又有
間故非無間捨故言無非有間捨亦無名無捨也 論復次此中至
應知其相 記曰解第四靜慮中云復次此中對治種類勢相似故

乃至今不出離第三靜慮地中勝樂等者此釋經中解下三靜慮亦分別能對治於彼第四靜慮地但解對治作用能離苦樂不出對治之弊以與第三靜慮對治種類勢相似故略不宣說下出相似對治之相所謂捨念正知此是第三靜慮地勝進分中捨念正知歇自地樂求第四不苦不樂定是故通有捨念正知若正出彼第四定中對治幹者但是捨念正除下樂故云此中對治勢相似故略不宣說樂斷對治但說對治所作樂斷等泰公云何等名為此第四定對治種類謂第三定中捨念正知由即於此第三定中數脩習故入第四定便能棄捨第三定中勝樂第三定中勝樂能令行者不出第三定故以棄其方便中但說能治以此義故契經中云由樂斷故脩第四定者即於尔時所有苦樂皆得超越由第四定樂斷因緣故若先二定若斷若今四定樂斷總集而去第四定斷先喜憂沒彼經先字向上

向下向上而言苦斷先向下斷苦而言先憂喜沒基公云此中捨念
正知名能對治第三禪樂名所對治經中唯說所斷之樂不言能斷
捨念正知者以第三禪已明捨念等能對治法與此第四禪所對治
法相似故名種類名弊相似故言種類俱能斷惑二處相似故言勢
相似略不宣說此解經中不明第四能治所以言由即於此數脩習
故便能棄捨令不出離第三靜慮地中勝樂是故說言由樂斷故者
此中第三靜慮繫樂繫縛行者令不出離第三靜慮不能得彼上第
四定今數習捨念等能棄捨此定樂也言由是因緣若先所斷若今
所斷按集說言樂斷苦斷先憂喜沒者樂斷名今斷餘受根名先所
斷故下中覆治中云乃至入初靜慮時憂受沒故此中如前第十一
卷云何故苦根初靜慮中說未斷耶彼品處重猶未斷故若身在下
界可尔何緣生在初靜慮者苦根未斷而不現行由其助伴相對憂

根所攝諸苦彼已斷故但彼慮重而未能斷若初禪中苦根斷者是則行者入初二靜慮受所作住差別應無由二俱有喜及樂故應無差別但以慮重而未斷故說有差別而經中說由出諸受定有差別問曰但以尋伺斷不斷豈不得差別何故要須斷苦根而說有差別義曰尋伺望喜樂非相障故不得為斷尋伺說喜差別其初禪喜有苦根故未說勝利第二禪喜已斷苦故其喜淨勝若以有無尋伺而

說差別有無之法無量不同其禪何別今反難樂喜受應無差別以苦根同喜樂等是受相障若不以斷苦根為初二禪喜別初二禪喜樂等處應無差別前初禪時已斷苦故此斷慮重其種子不說阿羅漢由有論復次以於至所有諸蘊記曰解空處中景師解云以於虛空起勝解故初過青黃等眼識相應想次過耳識身識及緣五

六第卷記論地師伽瑜

根意識等有對想三過第四靜慮下緣欲界飲食瓶衣等種種想乃至下六當知此中依近分定未入根本唯緣虛空等者此文分明說空處定名從方便也又近分中亦緣下地所有諸蘊者緣下第四靜慮等中顯色亦作青黃等覺依此故有定自在色素玄約顯色弁出超現色說有對想約形聚差別說種種想基師云於彼種種聚中乃至不作意轉等者此據身在下欲依虛空處遣色想時於欲界色境亦遣故說舍軍園等非身生色界欲入虛空而有此遣當知此中下文者述曰第四靜慮以上其中九解脫道第七作意唯在根本定中其初得解脫道此一剎那時唯緣自地諸蘊第二剎那心者得緣上下地蘊今約取初一剎那解脫道說故言亦緣自地諸蘊若近分定前九無間道但緣下地生厭故故言亦緣下地所有諸蘊其前八解脫道亦緣上下地諸蘊今約無間道說故言亦緣下地諸蘊而唯不

遮近分根本但緣上下及自地諸蘊於近分定八解脫道不說論無
間故言緣下蘊於根本定說初一刹那隱第二刹那以去故言亦緣
自地蘊故論文中不言唯緣自地蘊等而言亦緣此無間解脫道如
前初禪中解若與顯揚對法第二卷相違如彼有大師解脩述三藏
解起空定者有其三人一聖者得八根本定通緣自上及以虛空二
內異生入本定時先聞熏力故緣上地及以虛空三者外道入彼本
定唯緣虛空自地四蘊不緣上地計虛空定為極果故今就外道故
作是說對法論士亦作是解 論復次若由至具足安住 記曰解
識處中謂欲作識無邊觀先依識處近分定觀觀於空處所觀虛空
既無邊故能緣空識亦復無邊因此即觀識處當地識亦無邊若入
根本識處是即通觀當地四蘊及四諦等 論復次從識至具足安
住 記曰解無所有處中謂無所有處有四蘊及定實自在色等而

假作彼都無餘境勝解故是假想勝解假想作意離識之外更無少

三六

三六

乘

許所有境界故云無少所有泰公云作無境解故有無相當心顯現
依他起攝故佛地論云真實理無圓成實攝心所現無依他性攝
論復次從無至具足安住 記曰解有頂中依景師釋超過二想名
非有想一有所有想二無所有想起識處已下有所有想故云或有
所有想復超無所有處想故云或無所有想無彼二想名非有想以
有細想非如二無心定諸想皆無名非無想言緣無相境轉者謂非
想心所緣境界無麁相故名緣無相非為唯緣滅諦名緣無相故基
師解此中有三初正明欲起上定狀無所有處而為麁想即始從復
次乃至便能奔捨無所有處想以來是第二釋非想非非想名就中
有二初解非有想二解非無想始從由是因緣先入無所有處定時

已下至謂或有所有想或無所有想以來明非有想識處以下是有
所有想無所有處是無所有想是故說言非有想即非有所有想及
無所有想也今有頂中非有前二想也非有想中非二有想訖今非
無想中亦非二無想故就第二大段中第二次明非無想無想有二
一無想定二滅盡定此二定心皆滅盡今有頂不然故言非無想即
非二無想定也其有頂中有微細想在故第三明至有頂時超下無
所有處等及自處近分而入根本謂即於此處起勝解時以下是
論復次此中至動脩如行 記曰對弁二異也 論復次依至證得
此定 記曰第三解二無心定中景師判釋云初屬當二人入二定
由二作意下明脩二定方便時異謂無想定唯默於想作出離想脩
漸次能入若滅盡定從非想心求上進心上進時求上所緣竟無所
得無所有故便作暫時止息受想作意思惟從處至細九品漸滅滅

而不轉此二定中滅盡定者欲界身中初起以欲界有教依教脩行
故得初起後生四定及生四空皆得後起無想定者六十三云先於
此起後於色界重起現前俱舍云二界初起滅定通於生後定不定
業大乘業門明三時業及不定業皆通定與不定依下決擇文一切
羅漢欲入無餘時更入滅定盡六識心唯住賴耶而命終也基師云
如是有學已離無所有定貪等者此據斷惑得證餘處文云唯欲界
初起滅定者此約緣教若初學時必唯欲界後初起時色界亦得如
第三果人先欲界時未得此定生色界已方得此得即初起然由先
於欲界聽聞此教後於色界方生

論疏六

三七

兼

論復次依止至五神通等

記

曰第四弁五通中初略弁要先已得根本靜慮復依脩通正法聽聞
受持初依聞思作意思惟次依定地作意了知義法由了法義脩治

其心發生脩果泰師云有時有分者少時之言應云有時分中發生
脩果 論又即如是至十二遍處想 記曰已下廣釋於中初揔舉
十二想次別釋後揔結脩相引五通等初文可知 論輕舉想者至
自在迴轉 記曰就別釋中判十二為天類依初五想脩神境通依
第六想脩宿住通依第七想脩天耳通依光明想脩死生智通依第
九想脩心差別通依後解脫勝處遍處三想脩能引諸聖神通及能
引發無諍願智四無礙解種種功德初中始羅綿者謂野蚕蠶名始
羅綿又西國法多地敷草以擬為座或如熟練者欲作稱時練毛之
相名如熟練身心符順者基師云即身心俱可變化也若變即身業
若化即變化心勝解想者即當小論意解遠作近解等者基師云遠
作近解者謂促長為短近作遠解者延短令長應細相解是變形質
地水相解是變四大此中但說色聲二變化不論餘塵如佛地論廣

六第卷記論地師伽瑜

解或從一身示現多身謂由現化勝解想故者本唯一身更從化心
化現多身化心通是神境通攝或從多身示現一身謂由隱化勝解
想故者向者化現多身今由勝解隱多化身唯留一身此二由勝解
想成或以其身於諸牆壁直過無礙乃至履上如地者此由空界想
成或如飛鳥等此由輕舉乘空想成二於梵世諸四大種一分造色
自在迴轉者景公云造色通十今但轉換色塵或同彼類或不同類
故云一分造色泰師云二種迴轉者一神通人身往来自在二能轉
變梵世一分造色或青或黃自在迴轉非轉一切故言一分基師云
一分造色謂色聲二種故言一分不迴轉觸及五根等故唯外境故
言一分又隨定所變唯變一分不能轉變梵世一切故言一分 論
先所受行至皆能隨念 記曰第六想中云謂由此想從童子位迄
至于今隨憶念轉者如小論說宿住通先從現身老時却推中年少

年童子嬰孩乃至前身死有宿住通成今此乃云從童子位迄至下
今者援速方便故云也若後念成則從現身向前漸推乃至知死盡
宿住方成乃至先定所受行次第從後向前若重知或次或越一切

倫疏六

三

兼

皆知

論種種品類至一切音聲

記曰第七想中要期門眾成所

策處名色義眾或廣長眾者泰公云西有二說一市買處二戲兒處
基亦同之復解又處廣長大眾亦無量意取眾多 論光明色相想

者至天世間中

記曰第八想中謂若壁山障若極遠處作光明想

照所知處分明見想又取善惡得苦樂別修漏盡智通見彼有情彼
彼處死生彼彼方從境為名 論煩惱所作至皆如實知 記曰第

九想中謂解了有貪等有情色相變異於此多脩習故發生脩果心
差別智從境為名亦是功能為名泰公云於眾生事義理皆有闇昧

故云事義闇昧言出自口非世所尚恒設隨語而無所承故名下里
論解脫勝處至種種功德 記曰後三想中文分為二初弁脩三想
故引聖神通等後弁聖通相對有異前中解脫勝處遍處想者謂內
有色觀外色想內無色觀外色少等想或遍處中青黃等淨色想或
勝處中觀內無色觀外色少等想或遍處中觀青黃等遍滿想親近
脩習多脩習故能除通擁所有障礙能引寂勝諸聖神通若變事通
若化事通若勝解通者變是通果亦名神通勝解通者遠作近解屈
申辭項至色究竟及想地為水等名為勝解無諍願智四無礙解亦
因脩習解脫等想除境界愚方能成辦亦可有物轉狀名變無而忽
有名化勝解如前釋 論又聖非聖至不堪受用 記曰下對弁異
智論亦尔或有別義凡化事不過七日聖者又過可引彼論 論當
知如是至諸聖功德 記曰自下拈結准決擇說五通皆是世智亦

可學人所得是有漏以未盡漏故無學雖有漏盡漏身中得故亦名
無漏 論復次此中至無想有情天衆同分中 記曰第五明脩世

淨定生處差別中景公解云初定三天從離欲染為名皆名為梵第
二三天從身光強弱為名第三三天從所得淨樂遍身不遍身為名
第四靜慮諸天星居皆無雲地初得其名名無雲天第二從福因取
勝為名第三從所得果為名次五淨居以有無漏雜重脩業生五淨
處空處定隨三人別脩下中上善當生空處別受三果乃至非想亦
爾彼名隨行天者由彼諸天無有身形亦無處所能住所作有其差
別者四空得報隨所脩行上中下品而生彼大得報勝劣名隨行天
基法師云初禪天名梵者是淨義初離欲故故得淨名第二禪名光

者初離尋伺故得光名第三禪得淨名者

倫錄六

三九

兼

以得勝樂故勝樂名淨也

第四禪九聖共居三天初無雲得名餘隨福增為名五那含天名六六
解無色界中云隨行天衆同分中者無色界天無別受報處隨行三
品即受此報故言隨行天然住所作有其差別者謂住三品所作之
業有其別也今此文相還同婆沙初定四空脩三品業受無別果後
三靜慮隨脩三品業受有別異果 論復次此中至離欲者相 記

曰第六明離欲者相中有十三相可引智論并同或異也

論本卷第三十四

論如是已并至阿羅漢果

記曰自下第二明

趣出世間於中初結前生後次并七作意後摠結之前中言漸次生
起七種作意乃至證得阿羅漢果者謂前三方便脩了相作意自了
四諦十六行等種種相狀四善根中脩勝解作意以近見道於勝解
心中脩諦行故於見道中脩遠離作意能盡見惑於脩位中攝樂作
意進斷脩惑取中二果及斷色無色惑乃至非想八無間來是攝樂

作意所作之位觀察作意於脩位中已斷未斷之處能觀察知斷非
想惑第九無間道金剛喻定是加行究竟作意盡無生智是加行究
竟果文中寄相作此分別論實處處有七作意 論脩瑜伽師至了
相作意 記曰就第二弁七作意脩起次第中若依頌中四句以判
應可分四今據此文明七作意次第脩起故即為七段初解了相作
意於中有二初略弁依教脩習以十六行了四諦相名為了相二廣
弁十六行了四諦相前中諦別各有標釋標釋具足名善說故又解
三法輪中四諦法輪名為略標第二以去名為廣弁言或於作意已
善脩習等者謂於未至定中作意已善脩習或得根本善靜慮無色
論由十種相至十自在行 記曰就第二廣弁分二初別解十六
行了四諦相後顯位地前中有三初明觀察欲界四諦二明觀上界
四諦三當知此中下結二智即是能生法類智種依處初中先別

解後總結前中分四初解苦諦分之為三初標十行悟入四行次別
釋十行入四行後總結十行攝於四行此即初也 論如是十行至
能正行觀察 記曰就別釋中初標十行依三量觀然後別釋此
即初也 論此中且依至是無常性 記曰釋中分四初之五行悟
入無常行次有三行即是樂受苦受捨受三苦之行悟入苦行無所
得行悟入空行不自在行悟入無我初中分四以合併初二行後三
行次第別釋故初中以三量觀無常性初明依至教量中云如七日
經廣說者即壞劫經是以說七日事故名七日程 論如是且依至
入異緣會遇 記曰次明現量謂依教生信於無常行獲得決定由
如是信事故名增上力故數數尋思觀察一切現見無不皆是無常
之性謂先安立內外二事內謂六處等外事有十六如文所列此中

值六

平

集

內事有十五種所作變異亦如文列復有八種變異因緣亦如文列
論積時貯蓄者至若過若增 記曰下解釋中從後向前初解八種
變異因緣次解內事十五變異後解外事十六種變異解八變異因
緣究解八種變異因緣中云風所鼓燥者謂大風颺扇濕衣等者謂
者濕衣或時濕地或稼穡等為大風扇之令乾濕枯槁也濕初急如反
世言此極即乾濕也下結一切有色無色內外諸法變異皆由如是
八種因緣 論云何尋思至無常之性 記曰解十五內事中云蹉
跲者屈曲也乾語者泰基同云謂熱故言語時乾如世人云乾語濕
笑謂由觸對順樂受觸領樂觸緣所生樂時自能了別樂受分位者
基師云今且舉樂觸未舉苦等故故言謂由觸對順樂受觸即簡苦
等受也領樂觸緣所生樂時者樂觸緣即境能生樂觸者是今意言
領順樂觸境所生樂能自了知是樂受分位也 論觀察是已至增

上作意 記曰十六外事中末云前之六種是所攝受事後之十種是身資具事六種是所攝受事者謂一地事二園事三山事四水事五業事六庫藏事十種身資具事者一飲事二食事三乘事四衣事五嚴具事六歌舞樂等事七香鬘事八資具事九明闇事十男女事若依前列名中飲食各是一事今解中飲食合作一解似合一種論即由如是至應正比度 記曰第三以比量觀無常中云即由如是現見增上作意力故觀察變異無常性已此牒結前乃至應正比度等已來諸色等法火滅壞等易知剎那生滅難知以微細故今時欲弁先發論端 論云何比度至而得決定 記曰已下正弁細無常於中有二一以愈比細二以現所受果比知過去不現見因前中依基公釋乃至是故諸行必定應有利那生滅以來明由有小微細生滅故得有大變異生滅非疑住法得有變異非無小生滅等而有

大生滅等義從彼彼衆緣和合有故下至生已不待滅壞因緣自然
滅壞已來明釋伏難云滅有因緣謂伏難云不知生滅俱有因緣已
不今通云此法由衆緣和合故有生即有因緣不待因緣而自滅
壞即滅法無因緣也從如是所有變異因緣乃至令不生起以來明
釋伏難伏難云如日炙青菜令黃此青菜豈不由日故令青不現即
日為青壞緣今釋之云日能變青為黃如是攸何言日為變異因緣
者乎此日即後黃色生之因緣非前青色壞之因緣所以者何由世
人言前青色滅已現見有黃色生此黃與青不相似可得此黃生是
有故知日與黃生為緣非與青滅為緣若日炙青壞已後黃不生可
日與青滅為緣滅有緣生後黃既有生明知日與後黃生為緣非與
青壞為緣非彼一切全不可得若青滅已一切後法全不可得即日

與青壤為緣也下反解云或有諸行既滅壞已乃至亦不可得已來
是外人難若此滅已有餘法生可如前解若此法滅已無餘法生是
則如何如煎水盡為水緣等故知滅法得有因緣言彼亦因緣後後
展轉乃至作如是事已來論主解云此同前解煎水之火但與後後
生法為緣末後無水時不由火令無水勢力自無今火於後生法無
緣故故今滅法亦無因緣景公云由火力故助前前增水生後後滅
水故火及增水望後滅水以為生因前前增水生已自滅更不待因
乃至寂後念水不能為因更生後水自然而滅是故後水應生不生
名水消盡器壞亦尔意同基釋基復助難曰即日與後黃生為緣亦
與前青滅為緣豈不得耶答曰不然若一因緣能生生滅生滅相違
故相違之緣云何是一若能生緣是一所生之法應不相違亦應是
一又若滅法有因緣者因緣能有法所有即是滅滅為因緣有因緣

即能生是則因緣生生何開生滅故知滅法任運而滅 論於如是

事至獲得決定 記曰第二以現所受果比知過去不現見因中云

若唯用彼自在為緣是則諸行與彼自在俱應本有何須更生者此
難意云若自在是本有有自在時即有諸行諸行既與自在同時故
知諸行亦是本有若是本有即是常住不應名行以彼義中行非本
有故他既見是難已便更立云自在是本有諸行在後方生故次論
云若言先有自在等論主見此轉宗便更逐難云若諸行自在後方

論疏六

三

集

生是則諸行非唯自在生更用別緣故故次論云是則諸行不唯自
在為緣生起等若用自在為緣自在有時有諸行故即俱應本有若
後諸行方生是則由祈願故後諸行方發若諸行用欲祈願為因何
故唯說自在為因故次論云若言自在隨其所欲功用祈願等既縱

瑜伽師地論記卷第六

以欲為因更須徵破故次論云若尔此欲為有因耶等假設欲有因即用自在為因者自在本有故欲亦應本有有自在時即有欲故如前諸行破故次論云若言有因即用自在等設欲用自在為因既破已後更有餘因非用自在為因者如前諸行別用欲功用祈願為因今言復用欲功用尔欲若用祈願離自在外別法為因是則諸行別有因生何須妄計無用自在故次論云若言此欲更有餘因等論如是略由至作意力故記曰結上三量作意也論於前所舉至觀無常性記曰次明別離行中初牒前起後次釋後結前中云於前所舉五行等者卷初云由十種行悟入苦諦苦下四行中前五種行中悟入無常此五行中初變異行即前所明八種因緣十五種十六種等變異是第二滅壞行即前所明比度有剎那生滅等是也故言已弁二行今第三云何復由別離行故觀無常性論謂依

內外至知無常性 記曰非愛者是怨及共財等或由惡作加行失
壞者為作失利名為惡作 論云何復由法至法性無常 記曰法
性行中云謂即所有變異無常等者此中意如現在樂受正受樂時
未變異無常以變異等前三種無常行故觀今樂受於當來世必當
無常故如實通達如是樂受於當來世必定無常故名法性無常
論云何復由合至獲得決定 記曰合會行故觀無常者即以前三
種無常觀現在法與此三種無常和合故名合會無常即前樂受於
現在世流入此三無常也 論如是由至趣入苦行 記曰第二明
三行悟入苦行中云如是由證成道理及脩增上故至趣入苦行者
結前起後謂前所明信至教量及以現見比度此三即是此中證成
道理及脩增上故者即解至教等道理次下云依教行者淨信增上
作意力故或由現見增上力故或由如是比度增上力故等即是此

中及脩增上故彼解至教量等下一一別觀此作意即脩增上也
論作是思惟至無常滅法 記曰次釋後結釋中先解第二不可愛

偷疏六

三

乘

行却解第一由結縛行與列名中次第不同第三解不安隱行言作
是思惟如是諸行皆是無常乃至如是且由不可愛行趣入苦行等者
基公解云准下文云於能隨順苦受諸行及苦受中由不可愛行趣
入苦苦即以此行趣入三中苦苦也此不可愛行中攝前七苦七苦
皆是苦苦若准對法及餘處文七苦中前五苦是苦苦次二苦是壞
苦與此文相違者且釋云前七苦俱不可愛行七不可愛中前五苦
是苦苦今以不可愛行結縛行不安隱行此三行與三苦相從取故
即相從收不可愛中雖有二苦皆是苦苦門攝少從多故二苦俱五
苦也又以此順生苦受等故雖七皆是苦苦所以者何以次第二明

結縛行中由結縛行趣入壞苦即於貪愛等結縛更生貪愛等純大
苦蘊即七苦順生樂受者是壞苦故知順生苦受者是苦苦以順非
苦樂受生捨受是行苦下結趣入三苦論文前後不同者以性相求
隨義便解又釋攝義門別彼論約三苦攝八苦故知五苦是苦苦此
論以三行攝八苦故不可愛行是前七苦今以三苦攝三行故苦苦
攝不可愛行是苦苦不以苦苦攝不可愛行所攝七苦為苦苦也故
不相違攝義門別言有漏有取者景公云漏是煩惱取唯是愛除滅
道外諸餘苦集皆能生漏又從緣生名為有漏從取而生又結生取
故名有取於順非苦樂蘊中由不安隱行趣入苦行者通論行躰即
取一切順於三受有漏諸蘊文中為簡順於苦苦壞苦諸蘊是故但
說順非苦樂有漏諸蘊以為行苦此中似說賴耶名順捨蘊以有苦
樂種隨逐故然文中說順非苦樂一切諸蘊苦樂種子之所隨逐不

瑜伽師地論記卷第六

唯取彼賴耶故知此據未立賴耶為論是故通說諸蘊苦樂種子之所隨逐 論如是行者至趣入苦行 記曰如是由結縛行乃至諸所有受皆悉是苦者將此所明三行會經中說三受皆苦之意 論復作是念我至趣入空行 記曰第三明無所得行趣入空行景公太觀心相續離第二法唯有其心心外無我故名為空即蘊我無名為無我 論復作是念所至入無我行 記曰第四明不自在行入無我行基師云空無我二行何別空者空於躰無我無於用即計有躰名有以空遣之執有用名我以無我遣之 論如是行者至謂不自在行 記曰結也 論彼由十行至說名為緣 記曰第二解集

諦中有三復次初中解因集起緣云謂了知愛能引苦故說名為因者景公云但有初復次其愛必能引苦故愛望苦摠說為因基師云

且如現在逢一順樂受境於中起愛當即熏愛等成種此成種時後
令當來生等種子於中增長此愛望此生等種子能引生故故名為
因既引苦已復能招集令其生故說名為集者景公云愛引苦已復
招集業令當生苦說名為集基師云即前愛能潤行支等成有集能
生當果此愛能集他義名集既生苦已令彼起故說名為起者景公
云既集彼業當生苦已今令苦起說愛名起基師云即愛既熏苦種
已能令苦種生生等苦現行愛能令生等種起現行故名起復於當
來諸苦種子能攝受故次第招引諸苦集故說名為緣者景公云此
愛非直能引現起之苦及當起苦復能招引當來識等苦種令其增
長故說為緣基師云即愛既於當來苦種能攝受熏增故能令未來
生等苦次第生起諸苦集生說名為緣此初稍與對法第六卷同勘
之又約揔別不同其因義諸愛能愛未來自躰名引苦是揔餘三是

別既引苦已由愛能令三界五趣果現在前未來果集故名集既引
集五趣已愛能隨令一人趣等生現前名生既一人趣趣等生現前
已愛能令此人身中生等諸位次第生現在前名緣此三即次第別
生也勘彼第六卷同此 論復有差別至因集起緣 記曰第二復
次意即愛支望取支為因愛支望有支為集能集諸業故即愛支令
生支現在前起即愛支能遠引老死支現在前名緣景解第二復
次云於十二支中知愛是取因故名因此愛非直是其取因復能招
集取所生有恐濫三有故今舉取為因之有故云即以其取為因有
故又愛能起當來生支生支從有支起舉有取生故云有為上首當
生此愛又能引發老病死等故名為緣舉生為緣意望所生老病死
等以為緣義 論復有差別至了集諦相 記曰第三復次中景公
云謂正了知至後有生因者了相作意又正了知賴耶依中愛隨眠

等是後有因又正了知彼所生纏隨其所應是集起緣者。搃釋隨眠所生起纏為集起緣。下別釋謂求後有愛招集後有名集。此後有愛復能發起於現自身喜貪俱行愛。故名起喜貪俱行愛緣。彼彼喜樂愛名緣。此中於四種愛中不說今愛。愛着自身也。又此即四愛第一。

論疏六

四十五

乘

單名愛。此是搃愛相狀。難知。今以種子名說。其實通現行。論文雖搃言煩惱意取於愛。此愛能引生未來果。故餘三為三愛。言此後有愛復能發起喜貪俱行愛。喜貪俱行愛者是緣現境。現境起俱由此愛緣。未來自躰愛味身故。於現在境亦能生愛。故俱行愛由後有愛為因。又以現在妙境相應起愛。故於未來妙境亦起。彼彼喜愛。故彼彼喜愛亦由俱行愛為緣也。論於集諦相至了滅諦相。記曰第三解滅諦四行中。集諦無餘名滅。苦諦無餘名靜。即前二種是第一。取勝無上名妙。

即前二種是常住出離名離 論於滅諦相至了道諦相 記曰第
四解道四行中於所知滅境能為作道路通尋求義名道道道路能通
所尋求法故所尋求既通虛妄真實此所通尋求是真實非虛妄名
如簡虛妄故非但能於滅諦真實尋求亦於四諦門能如實知皆能
隨轉名行歷四諦故行歷四諦欲何所為為能出生死一向能趣涅槃義
故名出出諸塵勞故 論如是名為至了相作意 記曰結也 論
彼既如是至究竟出離 記曰第二明觀上界四諦中初結前生後
第二正釋謂彼所有乃至皆有如是性等者景公云此明上二界有
為有漏苦諦之躰遍上界一切生處愛等集躰遍五門種於三世時
皆有如是苦集有法皆隨如是集諦道理皆有如是苦諦之性下明
上界滅道可知基師云此中意以四諦理觀現此界所見諸蘊有無
常等已於他不同分界不現見蘊皆能以理比度觀察謂彼他界等

所有有為有漏遍三界等處於一切諸蘊種於一切三世時皆有如是集能生果法苦難和合法生老等苦諦皆墮如是苦無常理諸業煩惱等集諦皆有因集生緣性若此等行有滅法寂滅安樂是滅諦彼所有道能斷諸惑究竟出離生死也是道諦是此段文意勸行者以此界現見類他界不現見蘊等也 論當知此中至種子依處

記曰自下第三捫結二智即是能生法類智種依處景公云上來所明前三方便依未至定脩起了相作意上下諦觀即能熏發本有相見道中法類智種子令其增上名為與種以為依處泰師云自見道前法類之觀遠望道後真法類觀作種為依還同雜心空解脫種基師云此中意由五停捫別念處作是四諦行故即是後無漏法類智種子依處一有漏為緣能引無漏故名種子依處即新熏義二即五

瑜伽師地論記卷第六

停時亦能熏增無始無漏種此種居五停位中亦名了相作意位將能辦生初見道法類智故名法類智種子依處論又即至問雜記曰下顯位地謂上所明十六種行了相作意猶為欲界間思間雜位居五停捨別念處論若觀至勝解作意記曰第二解勝解作意中初結前略標第二廣解前中謂從了相作意次起勝解作意復於四諦差別事法盡所有性發起勝解四諦平等一真如性如所有性發起勝解名勝解作意位在燔等四善根位論如是作意至勝解作意記曰就廣解中弁四善根即為四段初解燔法文分為二初弁緣諦盡所有性脩作意相二如是勤脩瑜伽行者已下明緣如所有性作四諦觀前中如是作意唯緣諦境一向在定者基師云依此作意中欲斷我慢處下文云愈品我慢間無間轉此勝解作意由為我慢間無間轉何故言一向在定豈不相違義曰前明了相作意一善心緣一境時由

為聞思間雜同緣今勝解起時一向是善緣一境時不為聞思間雜
一向在定簡彼了相故言一向據多時在善心一觀語非無出觀起
我慢及退生餘惑等下欲明伏我慢論實得起我慢故言間無間轉
今以勝解簡了相故據長時在觀非如了相為聞思間不得長時入
觀故言一向非相違也謂生死流轉如是諸法無邊等者此一段具
明四諦無邊思文准知泰師云生死諸法無依無護不可以為所依
起無依行皆無所希唯有過患故起無願行 論復於如是至無容
得生 記曰景公云雖耿苦集欣樂涅槃然猶未能深心趣入何以
故以彼猶有能障現觀麁品我慢隨入作意間無間轉者思惟生死
流轉等時心帶我慢名為我慢說帶我心名麁我慢隨入作意與勝
解作意四諦觀心間無間轉作是思惟乃至如是諸法是我所有等
出麁品我慢之相彼既了知如是我慢是障礙已乃至隨作意行專

六第卷記論地師伽瑜

精無間等者恐更起彼我慢為障作意制伏外所知境趣入涅槃專
精無間後心起時觀察前心為邪為正專精守護無有間斷令其我
慢無容得生泰師云彼不能趣入故但趣脩任運作意彼既了知我
慢障已便能速疾專精無間捨前所脩任運作意如是乃至以後觀
心緣前觀心故離所緣相基師云彼既了知乃至趣入作意等者此
隨轉作意即前我慢以是內我隨法能入名隨轉作意趣入作意者

論六 三七

乘

即於生死曾久流轉當復流轉乃至無相真是無相緣外境而生名
趣入作意彼行者隨此作意專精無間觀察聖諦此真是無相觀察心
既滅時已後生無間觀察方便流注前觀察心沒後觀察心生以後心
緣前心專精無替以此義故麤品我慢無容得生是此中文意 論如
是勤脩至是名為煖 記曰自下第二明緣如所有性作四諦觀如是

勤脩瑜伽行者觀心相續展轉別異新新而生或增或減等者基師云
行者作觀行時念念增勝名為或增若不增勝名為或減暫時有率尔
現前行既有增減變易明知無常即此觀心既入取蘊明知是苦無如實
計真實是法但是苦法名為空性觀心是苦實所計法是苦觀以第二
法故無實第二妄計實法名空無自在用名無我行也是此中意即緣
道諦為無常等約似觀心是道諦故若據實觀心是苦諦以有漏故今
約順出世義又此位中有無漏故說為道諦若約此義亦緣道諦為無
常等今約實故是苦諦景公云知唯有心無有第二我法名空苦集滅
道諦正悟入者轉近見道觀行漸增明名正悟入非是現觀名為悟
入觀行漸增離於分別故言能緣所緣平等平等正智得生 論中
忍所攝至名諦順忍 記曰次明頂及忍景公云彼四善根安受諦
理皆名為忍但以三品立燭頂忍泰師云學作人空無我觀故平等

平等亦印諦理故並名忍 論彼既如是至世第一法 記曰第四
解世第一法中彼既如是乃至住無加行無分別心者彼從前來已
多脩習故離加行住無分別心其心似滅而非實滅似無所緣而非
無緣等者基師云無分別智寂靜微細名之為滅今此似彼非實彼
智故名為似滅又無分別智滅觀分別心名為滅今此似彼名為似
滅又滅定名滅令心細故似彼滅定名為似滅無分別智無影像所
緣今此無相狀似於彼而有影像故言似無所緣又此有境現在前
故非無所緣心細似無緣而非無緣又無分別智離有分別遠離諸
惑今此似彼故言雖似遠離而非真遠離景公云雖似遠離而相遠
離諸燭等善根隨分寂靜似真無漏遠離之心終是有漏而非遠離
非遠離者泰師云無心者遠離又於爾時非美睡眠之所覆蓋至此
不如是者景公釋云此舉非顯是住燭等中無如是相今解住世第

一法無如是相即於如是寂靜心位至名為世第一法者謂於四善

倫樂六

聖人

乘

根寂靜心位寂後一念於諸諦理起內作意名世第一法此有兩解
一云以此文證世第一法通緣四諦作無我觀論既云諸聖諦理故
知非一諦也此文即順涅槃經說世第一法亦緣四諦不同小論唯
緣苦諦二云世第一法唯緣一諦同小論說今此文相舉撿取別謂
於前煇等所觀諸聖諦理中之一起內作意也然涅槃經說緣四諦
者遠公釋言觀諦有其二種一者行脩現在所起二者得脩未來所
成世第一法現在所脩雖觀一諦一行未來倚於四諦增明今就得
脩名緣四諦今解彼經亦舉撿取別撿舉四諦而意取苦諦故也
論從此無間至皆悉永斷 記曰第三解遠離作意中從此無間乃
至現見智生等者景云從此世第一法無間於世第一法已前所觀諸

聖諦理起內作意作意無間隨前次第所觀諸諦若欲界四諦是現見若上二界四諦名非現見如其世第一法次第有見道無分別決定智現見智生由此智生故三界見惑一切盡重皆悉永斷泰師云從此真見道無間後在相見道中於前所說聖諦重觀以上論云出世心生即真見故備述三藏言弁相見道前方便既有法類智於真觀中應知亦有然法類智雖有多種而此文意觀欲名法觀上名類又解就真見道唯一念時隨方便分四諦智故云如次其鉅根者別觀四諦故云如次前解為勝基師云從前世第一法無間於前第一法所觀諸聖諦理今於真見道門起內作意此真見道作意無間於相見道中隨前世第一法時所觀諸諦若此界現見他不同分界等不現見諦中如苦集等之次第有無漏無分別決定不由他引自生聖智現前以現量證智生非如見道前即有分別疑可比度而生是

此中意又從世第一法無間名從此無間今意欲解真見道難知越說相見道却解所說無間處即世第一法今却成前謂前所觀諸聖諦理起內作意即乃世第一法時此作意無間隨前次第所觀諸諦於相見道中若現見不現見決定智現見智生亦是此中意論此永斷故至得預流果記曰若先已離欲界貪者乃至不復還來生此世間者此中據先用世間道伏離欲界欲今入見道時成不還果即超越不還人今且據離欲界不還不論乃至先離無所有處人前卷末說世間離欲者相威儀寂靜言語敦肅而無躁動等今此與彼

倫義

元

集

相似故言當知無異等又雖相似少有差別謂不還人不還生欲界即於彼入涅槃世間離欲者不然故有差別也論由能知智至當知亦尔記曰入見道證如境時如無相故其智亦無相二無相和

瑜伽師地論記卷第六

合能緣所緣無有乖違現前觀察故名現觀釋現觀名義如一刹帝
利與刹帝利和會一處無有乖竟以種姓同故而是一類亦名現觀
婆羅門等當知亦尔 論此亦成就至遠離作意 記曰衆多相狀
等者明入見道者十二相狀一證理觀獲得四智一唯法智謂在凡
夫時妄計實我今入見道除遣實我但有於法故二非斷智三非常
智謂於凡夫時妄計斷常今入見道離計斷常即非斷智非常智此
據分別斷見不論脩斷見也四緣生如幻事智謂於凡夫時妄起邪
見見取今見道善推求故觀見諸法此由如幻事無如彼三見等所
計此即第一相狀二於境界失念起猛利纏作意即遣三畢竟不墮
惡趣惡趣亦得對治道故四不故思犯戒五不退轉棄捨所學景公
云漸惑種故無退轉棄捨學果基師云得決定智故於所學中必不
退轉棄捨所學也六不造五無間業七定知苦樂非自作等景公云

定知苦樂非自神我所作亦非彼他自在天作亦非前二共作亦非
非彼假名自他而作及無因作基師云悟諸從緣生法故遣因中自
作等妄計也八終不求請外道為師起福田想九於他沙門婆羅門
等終不觀瞻口及顏面乃至得無所畏者謂不信他道出家受學唯
以法智見法類智得法於大師教生決定信故於諸法中得無所畏
此如下第九秩中廣解對法第九卷亦解十終不妄計世瑞吉祥以
為清淨者唯知佛為清淨也世瑞吉祥者謂世人妄計世瑞相如欲
行時見淨水香花是行時瑞相又計吉祥即隨見此瑞法号为吉祥
今不如是十一種終不更受第八有生唯七生等也十二證得四不
壞淨也 論復從此後至如前已說 記曰第四解觀察作意中初
略并後廣釋前中復二初明斷脩惑得二果相後明於中觀察初云
復從此後乃至當知亦尔有十二相同於初果然少差別乃至速疾

除遣者與初果人第二相別也唯一度來生此世間等者此與初果人第十一相別也合初果有二相差別得不還果及不還相如前超越入見道時得不還相弁也 論當知至而正脩習 記曰觀察作

論第六

辛

永

意通能觀察三界脩惑已斷未斷是勝進道然於脩道正斷無間道是攝樂作意從斷欲界九品乃至非想八無間道是其位非想第九無間道是加行究竟道此中但舉所斷欲界脩惑得中二果不弁能治攝樂作意攝樂作意後文當說次論言如所得道而正脩習者是如此觀察也 論又於此中至脩之自性 記曰第二廣釋中復分為二初問答廣弁脩道躰用品類差別二如是於脩下明於中觀察前中云謂由定地作意通世出世定惠二法無間殷重二脩是脩自性泰師云定地作意是脩自性又可會彼所證境 論當知脩業至

八種脩業

記曰八種脩業中基師等解由脩故得者即得脩也由

脩故習者即習脩也若先已得未令現前但由脩習彼種類法當令現前令轉清淨鮮白生起名脩故淨者此即法智時其類智種子亦成就故名先已得由得脩脩彼法智種子時即資類智令轉清淨鮮白生起名脩故淨即法智時脩類智種子至類智時此種子能生類智令清淨後生類智也又如見道前熏增無漏種入見道生法智等是又種子成就是由脩故得現行成就名由脩故習自在成就名由脩故淨是就三成就也若已生惑能斷名由脩故遣未生諸惑能令不生了知如病等名由脩故知 論應知此中至品類差別 記曰下明脩品類有十一種基師云此解無間道能斷不言加行道者對法金剛喻定并取加行道者非真實義若斷種子唯無間道若制伏種子加行道亦有此義彼論約制伏種子義故今剛喻定亦取加行

六第卷記論地師伽瑜

道此論據斷種子難故唯無間道勝進道脩者謂由此故乃至或復
未起趣究竟位者泰師云勝進有二一未起趣後地加行來皆名勝
進道論云乃至意在於此二約斷惑第八品盡來未起第九加行道
心趣無學位並名勝進基師云此據未起後下煩惱對治加行以來
諸所有漸觀脩習發心等是前對治道勝進道又得初果心未趣求
第二三果未趣入無學究竟位以來所有發心脩行等是前勝進道
問曰起後品加行何故不是前勝進道義曰今別作法後加行緣後
品故隨此義故不取其實亦是謂又已斷非想第八品以來惑未斷
第九品成究竟位所有諸道是欲界初品對治道之勝進道又是斷
欲界惑第三果人之勝進道若至非想第九無間道亦是勝進道若

第九解脫道但不名勝進以得解脫果是解脫增勝名解脫道今此

中並得義非具作法

論如是於脩至斷與未斷

記曰此明觀察

論於時時間至名為攝樂作意

記曰第五解攝樂作意也前卷攝

樂已後明觀察此卷先明觀察後明攝樂者前約世道離欲界欲入

初靜慮七種作意順次而說今此從擯離脩惑證中二果以明於彼

觀察斷與未斷然後略弁攝樂即通於四道也

論彼即於此至名

金剛喻

記曰下第六解如行究竟謂從斷欲界脩惑乃至非想入

無間來盡是攝樂作意之力若具縛人脩得此定即能永斷一切煩

惱然要由斷非想八品脩惑方得此定得此定時斷脩惑盡

論從

此金剛喻至喜住捨住

記曰下第七明究竟果於中有三初弁有

為果躋以標其位二又於尔時至極究竟已下重明羅漢勝德第三

當知此中金剛喻定所攝作意已下對因立果前中去諸漏已盡者

以三漏盡故生亦已盡即是我生已盡智所作已辦無復所作者所

瑜伽師地論記卷第六

作已辨智也證得自義者以於聖道究竟脩故證自果義利即是梵
行已立智盡諸有結者以有結盡故不受後有即不受後有智也三
住中基公解去聖住謂空無願無相滅定者諸論中唯有三解脫門
為聖住今取滅定以無相故諸聖多住亦聖住中諸論約三解脫作
法此通實為論無違又會正為聖能證聖正法名聖住即唯三解脫
門若聖人身中成就名聖住即滅定亦是餘由聖等不離道諦有心
會正是住義今滅定無心無會正義故諸論無此論據成就故有天
住中諸論唯四靜慮今此論通無色者以定惠均義據標天名者唯
說四禪即諸論如對法第十一卷說若有無漏義復有亦名天者無
色亦然故此中通無色不違又約有光淨故名天無色亦有定光淨
故名天即亦是天住如此文實作法彼約一義論又於爾時至永
滅涅槃記曰就第二重明勝德中有三十二法至極究竟者以到

無學果故此即第一勝畢竟無垢者是第二羅漢斷三界惑盡也畢竟證得梵行邊際者是第三謂趣有學行梵行者猶未到極今無學到也離諸關鍵者三界煩惱留住有情不令出離猶如關鍵無學離之即第四也已出深坑即第五離四流也已度深塹即第六離四軛也已能摧伏彼伊師如是為真聖者即第七西方有山名伊師迦高

論疏六

卷二

乘

而且峻景公云此辟我慢自舉基師云辟有頂煩惱高而寂勝無學離有頂惑如推伊師迦也推滅高幢者基師云言摧我慢即第八也已斷五支者第九也基師云已斷五上分結并五下分結景但云斷五上分結成就六支者即第十也景公云成六常住支基師云成就六念又成軌則所行等六支今若依阿含經釋此文者應云已斷五蓋獲六恒住故彼經弁羅漢果云摧五蓋獲六住獲一身念降魔但

六第卷記論地師伽瑜

下文說成六恒住何頃重弁一向守護四所依止第十一守護四依
依法不依人等又常乞食真掃衣等四依止又守護四念依止寂極
遠離者第十二有學已離諸惡趣等今無學勝彼名寂極遠離又或
離然生等勝彼有學獨一諦實者十三明無虛誑又離妄語名為諦
實弁捨希求者十四至極位故更無希求又無不與取故名不希求
無濁思惟者十五唯善無記思惟無不善染汚濁思惟故又無邪行
濁思惟故又無熱生濁思惟故此上四即十惡業道中前四種亦得
身行猗息者十六居有學位中身有鞭撻今無學常得輕安故身行
猗息即猗樂也心善解脫惠善解脫十七得俱解脫或唯惠解脫也
獨一無侶者寂勝故名為獨一非餘有學等侶名為無侶即十八也
正行已立十九謂入涅槃行已立也名已親近無上丈夫二十明與
佛同證入空親近於佛佛是無上丈夫也具足成就六恒住法乃至

正念正知二十一明常住六恒住法六恒住法以捨念正知三法為
弊彼於爾時領受貪欲等乃至愚癡無餘永盡者二十二離三不善
根彼貪嗔癡皆永盡故不造諸惡習近諸善者二十三明斷惡脩善
其心猶如虛空淨水二十四其心如空無味如淨水無濁又如空無
礙如水明淨如水無塵如妙香檀普為一切天帝天王恭敬供養者
是二十五也景公士猶如世間上香檀木普為天帝天王敬重基師
女如天帝宮中有妙香檀樹天帝天三常生恭敬又羅漢身如一香
檀木言無惑是故常為天帝等恭敬住有餘依般涅槃界二十六明
得有餘涅槃度生死海乃至亦名任持最後有身二十七明此身得
涅槃但任持一身先業煩惱所引諸蘊乃至永滅涅槃二十八明得
無餘涅槃當知此中有如是相乃至五者不能貯畜受用諸欲資具
二十九明不習近五種處所如是不能妄計苦樂等乃至無因而生

六第卷記論地師伽瑜

三十明知諸法從緣而生不生妄計又亦不能怖畏一切不應記事
三十一明已知佛法故他問無不知十四不應記事中生怖畏又
亦不能於雲等下三十二明無我故無怖此為三十二種羅漢功德
也 論當知此中金至證得究竟 記曰對因立果并及結也 論
如是一切至異論根本 記曰如是一切名聲聞地已下摠結一切
而文少故寄在第四瑜伽處中言猶如一切名句文身是所製造文
章呪術異論根本者基法師云文章異論必依名句等方成今聲聞
行必依此相應教法教法為彼根本如名句等今解此中略并聲聞
地為彼聲聞相應廣教根本也
論本地分中獨覺地第十四 記曰若依梵語名鉢刺聲迦佛陀舊
云辟支訛也此云獨覺初發心時亦值佛世聞法思惟後得道身出

無佛世性樂寂靜不欲雜居脩加行滿無師友教自然獨悟永出世間
中行中果故名獨覺或覺待緣而悟聖果亦名緣覺如是獨覺種姓
發心脩行得果一切總說為獨覺地 論如是已說至而證菩提
記曰文中初結前問後後開五門以釋之解種姓中景公云三種獨
覺皆煩惱輕微名薄塵於諸有情慈悲劣薄名薄悲願求獨出無師
無敵之世名慢行類泰師云前薄塵性煩惱薄故易可斷除薄煩惱
中慢惑少重由是慢性故希願無師基師云種姓有三種人或一人
具一一人具二一人具三一中隨增性說故有三種或一人
約三義故說三種 論云何獨覺道至第三獨覺道 記曰道中景
師云此正明脩習入聖前方便道初人百劫脩蘊等善巧百劫滿已
於寂後身伏無所有已還脩惑依第四靜慮起不還果乃至究竟此
入取後二果第二亦是本性獨覺遇佛發心多生脩道乃至能起自

乘前三善根不能入聖但脩蘊等善巧即便命終於後生身或無所有以還脩斷煩惱於五地中現依何地入諦現觀越證那舍方取羅漢或時此人住前三善根命終受身於後身上更起忍等入諦現觀得初果已捨斷九地脩惑超證羅漢第三亦是本性獨覺遇佛發心脩方便道乃至入聖證法現觀得初學果或證第二未能盡漏而便命終或作一來當無佛世依二果身不取那舍越證羅漢此後二人並是部行極少不減四生極多不滿百劫以不及初人故此第二門

論卷六

五

乘

意明三種獨覺初始發心修方便道基師云第一初發心時值佛修百劫已成果麟角今論別說百劫已值佛世又解百劫中雖修餘行未修蘊等善巧百劫已值佛世方修蘊等善巧在後身方成道麟角第二道先值佛為說法不滿百劫修或九十劫不至一劫修習已於

煇等位中修習蘊等善巧於此身不能或證初果或家家七生一往
來一間等於後身得獨覺果等第三道值佛脩習已於此身得初果
或七生家家一間一往來等果後修蘊等善巧於當來世證獨覺無
學果若依智論二十六卷云辟支佛有二種義一名獨覺二名緣覺
因緣覺如上說獨覺者是人今世成道自覺不從他聞是名獨覺辟
支迦佛辟支迦佛有二種一種本是學人在學人中生是時無佛佛
法滅是須陀洹已滿七生不應第八生自得成道是人不能名佛不名
阿羅漢名為小辟支迦佛與阿羅漢無異或有不加舍利弗等大阿
羅漢者大辟支佛百劫中作功德增長智慧得三十二相分或有三
十一相或二十九相乃至一相於九種阿羅漢中智慧利勝於諸深
法中總相別相能入久修習定常樂獨處如是相名為大辟支迦佛
又若准十地論以一行一果為勝說也 論云何獨覺習至名部行

喻記曰習中三藏云前第二人身具聲聞獨覺二種故種聲聞解脫分善已經於三生值無佛世轉得成獨覺種姓能引獨覺決擇分善令得現起其第三人初之三果值無佛世轉成獨覺非是異生故不還果名至極處景公云方便道成更復修習入諦現觀修習之相前門已弁但知第三獨覺發心入聖不能盡漏而復經生者是初二果非是不還不能盡漏住果命終則生上界無有獨覺生上界者故知第三獨覺遇佛發心修道入聖不能盡漏而命終者是初二果以文自判初名麟角後二名部行基師云習有三種第一如文第二即用前道有二故習亦有二論云何獨覺住至如麟角喻記曰解住如文論云何獨覺行至一向趣寂記曰行中撻舉一切弁其行相但現神通不說法華乃至本來一向趣寂景公云依對法第十三云獨覺乘補特伽羅者謂住獨覺法性若定不定是中根性自

求解脫發弘正願修厭離貪解脫意樂及修獨證菩提意樂即聲聞
藏為所緣境精進修行法隨法行或先未起順決擇分或先已起順

論疏六

卷五

乘

決擇分或未得果或先已得果出無佛世唯內思惟聖道現前或如
麟角獨住或復獨勝部行得盡苦際若未起順決擇分亦不得果如
是方成麟角獨住所餘成獨勝部行者此義大同瑜伽或先未起順
決擇分則是瑜伽初人或先已起順決擇分即當瑜伽後之二人或
先未得果即當瑜伽前二人或先已得果即當瑜伽第三人初人成
麟角後二成部行亦同瑜伽言若定不定者初人於百劫中脩解脫
分於最後身方起燄等即得盡漏與聲聞異名定第二第三遇佛發
心或但起燄等或亦得入聖證預流果相同聲聞名為不定亦可獨
覺乘中若唯成就獨覺種姓此則名定若并成就餘乘種姓此名不

第六卷 記論地師伽瑜

定文中解釋同彼瑜伽但舉定者略不分別不定獨覺對法又云如說預流人有二種一漸出離如前說二頓出離謂入諦現觀已依未至定發出世間道頓斷三界一切煩惱品品別斷唯立二果謂預流果阿羅漢果由此二果如其次第永斷三界見脩煩惱無餘所顯故不立中間二果以唯斷欲界脩惑有餘無餘所顯故又依如是頓出離中說預流無間即立羅漢是人於現法或臨終時善弁聖旨設不能弁由願力故還生欲界出無佛世成獨勝果設不弁者未能無餘離諸欲故即以願力生欲界者彼能速證般涅槃故此後段文即說本性是不定聲聞得預流已欲越取羅漢而不能辦即以願力出無佛世成獨勝果由此願故迴求獨覺即住初果或七生已於最後身盡於餘結證於獨覺此則名為聲聞獨覺言一切本來一向趣寂者性樂寂靜故名趣寂非謂皆是決定姓趣寂

